

四庫全書

史部

欽定四庫全書

史部

山東通志卷十三

詳校官監察御史<sub>臣</sub>劉湄

檢討<sub>臣</sub>德生覆勘

總校官知縣<sub>臣</sub>繆琪

校對官中書<sub>臣</sub>王鍾泰

騰錄監生<sub>臣</sub>邵颿

欽定四庫全書

山東通志卷十三

鹽法志

海濱廣斥鹽固青之方物也古者有貢而無征鹽  
筭之權自管子始論者譏其非古然而盡弛厥禁  
縱末作資遊惰甚至豪富專利而貧弱者無所裨  
益則管子之令不得盡以霸圖少之也顧征之中  
亦有異焉澤滷之邑與民易市聚於商則艱山陸

之區非商弗運委之民則滯我

國家兼籌竝舉或商或民各從所便艱者裕滯者通  
官為之經理而入其稅蓋利用為上饒國次之征  
也猶貢也所謂合乎人情宜於土俗而有得於先  
王之意者其視諸此哉作鹽法志

鹽法攷 禹貢青州之域厥貢鹽絺太公以齊地負  
海瀉滴少五穀而人民寡乃通魚鹽之利管子對桓  
公曰齊有渠展之鹽請君伐菹薪煮沸火為鹽徵而

積之於是自十月至於正月成鹽參萬陸千鍾糶之  
得金萬壹千餘觔山海之利甲於諸國漢興弛一切  
厲禁武帝元狩二年始用鹽鐵丞孔僅東郭咸陽言  
因官器與牢盆敢私煮鹽者鈇左趾没入其器物東  
漢以下亦世修鹽鐵之政後魏自遷鄴後滄瀛幽青  
四州傍海煮鹽於青州置竈凡伍百肆拾有陸唐承  
隋制青棣等州之鹽與解池蜀井皆掌於司農乾元  
元年鹽鐵使第五琦初變鹽法就山海井竈近利之

地置官司游民業鹽者為亭戶免雜徭盜鬻者論以法於是淮北有巡院十三兗鄆居其一五季軍興榷鹽太峻周世宗北伐時父老遮道泣懇願以鹽課均之兩稅而寬其禁於是兩稅之額有鹽錢宋太祖推恩河北詔許通商然其時京東之濟兗曹濮鄆單等州皆仰給於解鹽至仁宗時始通淮南鹽罷解州遞運維時密州濤雒一場歲鬻鹽參萬貳千餘石以給本州及沂濰州後增登州四場濱州歲鬻鹽貳萬貳

千餘石以給本州又增滄州三務然皆官自鬻之雖  
通商而百姓輸錢如故後以諫官余靖言遂罷其事  
慶歷時王伯瑜監滄州鹽務獻議商人受鹽以囊貯  
之囊毋過叁石叁斗斗為鹽陸勦除叁斗為耗勿算  
餘給券為驗聽至所鬻軍州驗券竝輸算錢如所貯  
過數予及受者皆有罰商人私挾他鹽則没入其貲  
遂為定制元太宗初年始立益都稅課所中統三年  
設都轉運司至元二年始改官券為引轉運使歲為

領銷山東所隸凡一十九場歲售引貳拾餘萬明因  
其法令商人屯糧塞下給以引赴場支鹽出納有度  
支給有程謂之開中

皇清監於元明而損益之罷開中法謹綱年例規制倍  
詳商民兩便而恤竈之仁有加無已蠲夙逋復舊業  
免滋生之丁賦設濟乏之義倉俾竈有餘力不匱於  
所供尤為知本之治云

官司規制

附載綱商運學



巡鹽御史 駐劄直隸天津府轄直隸全省山東全

省河南之開封彰德衛輝懷慶歸德五府江南之宿

州一州銅山蕭碭山豐沛五縣定例每歲一差監察

御史由都察院開送吏部題請間亦有大員

特簡者通稱巡按長蘆鹽院

順治初差監察御史一員  
十年停差御史歸運使管

理十二年復差御史康熙七年定長蘆等處鹽差於  
六部郎中員外郎及御史內每處差滿漢官各一員  
筆帖式各二員十年題准鹽差御史不拘滿漢每處  
止差一員十一年定鹽政歸併各該巡撫管理停差  
巡鹽十二年復差巡鹽御史十六年停止鹽差筆帖  
式如差滿洲御史仍帶筆帖式一員雍正元年定各

鹽差筆帖式嗣  
後停其差遣

每歲以十月更替春秋二仲一至東

省盤查運司錢糧赴灤關驗坨秤掣

順治元年題定  
掣驗引鹽每月

一次二年題定每季一次康熙十二年後巡鹽御史  
每年冬季按臨東省赴灤關掣鹽一次雍正八年題  
定春秋二季  
赴東秤掣 凡山東運屬衙門皆聽提調諸州縣事

關鹽法者悉由考核山東運屬列後

山東都轉運鹽使 駐劄濟南府康熙三年兼理鹽

法道管轄全省竝河南之歸德一府江南宿州等六

州縣凡引票行銷課程完欠皆由運司督催其收兌

錢糧稽查商竈考課運童辦解京邊各餉一切鹽政  
分別經理而上之巡鹽御史以達於內部其地方利  
害所關官司所守刑名所繫則協謀於蒲臬而兼稟  
其成於督撫事例甚繁茲不備載

運同

駐濟南府

原著在蒲臺縣

稱濱樂分司專司蒲臺關

驗掣印扒

詳後引票定額

分轄永利永阜富國王家岡官臺

等伍場鹽政事宜

按雍正五年

會典內載濱樂分司轄永利永阜富國王家岡四場

膠萊分司轄官臺等六場今  
依山東鹽法志各轄五場

運判

駐濟南府

原署在膠州明嘉靖間移駐濟南

稱膠萊分司專

司濼口關驗掣放行

詳後引票定額

分轄西由石河登寧信

陽濤雒等伍場鹽政事宜

康熙五十八年裁併運同管理雍正七年復設

經歷司使

署在運司西北專管文書呈堂并差委批解查校等事

益昌庫大使

署在運司大堂西偏專管收支彈兌稽察文簿巡查更役等事向係三考

未入流克選雍正二年以庫藏重寄特慎其選定例以無品筆帖式國子監教習人員揀選引見

補授

蒲臺批驗所大使

署在蒲臺縣北關大清河南岸專司查引驗船放關等事

樂口批驗所大使 署在歷城縣北十二里濼口專司收驗鹽船入園并巡查兩坨

凡商人載鹽至濼口先堆貯公所在大清河南者名通園達園皆係

引商堆積待運之鹽又名南北二坨

永利場大使 署在霑化縣城東三十五里康熙十六年裁豐民場歸併本場管理

富國場大使 署在霑化縣城東六十里康熙十六年裁利國場歸併本場管理

永阜場大使 署在利津縣城東北五十五里康熙十六年裁豐國寧海貳場歸併本場

管

王岡場大使

署在樂安縣城東北一百里康熙十六年裁新鎮高家港貳場歸併本場

管  
理

官臺場大使

署在壽光縣城東北五十里康熙十八年裁併壽光縣管理雍正七年復

設並管

固堤場

西由場大使

署在掖縣城北五十里雍正七年並管海倉場

登寧場大使

署在福山縣城北五里

石河場大使

署在膠州城東南二里康熙十六年裁行村場歸併本場管理

信陽場大使

署在諸城縣東南一百二十里

濤雒場大使

署在日照縣城南四十里

按元制山東運司所轄一十九場曰永利曰寧海曰  
官臺曰豐國曰新鎮曰豐民曰富國曰永阜曰利國  
曰固堤曰信陽曰濤雒曰石河曰海倉曰行村曰登  
寧曰西由曰高家港曰王家岡明因之至

本朝康熙十六年裁豐民歸永利裁利國歸富國裁豐  
國寧海歸永阜裁新鎮高家港歸王家岡裁行村歸  
石河是為十二場十八年又裁官臺場歸併壽光縣  
裁固堤場歸併濰縣是為十場二縣雍正七年復設

官臺場又歸併濰縣之固堤場而以海倉場歸併西

由是為十場

各大使向以三考未入流克選雍正六年定例揀選保舉人員給與正八品職

銜與縣丞知事一體較俸陞轉八年又定催徵鹽課錢糧之例與州縣經徵地丁同例處分

商綱

舊係晉澤同仁泰來祥仁集義晉興永公永昌洪戰洪晉通裕永興祥順京潮共拾肆綱雍正

六年增慶汾為拾伍商人共肆百捌拾名內有貧乏疲商有止存十數引者甚至止存一二引者商多引碎每致誤運欠課雍正十年運使兼鹽法道楊弘俊詳明巡鹽御史鄂禮定議每商最少者以八百道引為率凡本商引符此數者許自立商名稱為正商其不及此數者附於正商名下辦課告運因併去泰來祥順洪晉三綱改京潮為祥潮改永公為晉公現在壹拾貳綱領引正商共貳百柒拾貳名



永興網

商人  
玖名

晉澤網

商人壹  
拾貳名

同仁網

商人叁  
拾叁名

祥仁網

商人壹  
拾柒名

集義網

商人貳  
拾陸名

慶汾網

商人壹  
拾伍名

晉興網

商人叁  
拾名

永昌網

商人壹  
拾柒名

洪戩網

商人貳  
拾叁名

通裕網

商人叁  
拾肆名

晉公網

商人叁  
拾玖名

祥澍網

商人壹  
拾柒名

以上壹拾貳網通計商人貳百柒拾貳名姓名籍貫  
造冊咨部各世其業地有定所引有定額隨其所置  
之廣狹行鹽辦課每歲於拾貳網中各僉壹綱首料  
理闔司公事諸綱又闔分值月以聽綱首指揮而票

地之商不與焉凡公店會議鹽務糾約雖票商亦聽於引故曰綱商

運學 凡鹽商子弟或因別籍不得應東省試另立運學用綱商保認同綱互結由分司收考錄送運使運使錄送學院每歲科兩試各考取童生擧名送濟南府學帶管肄業雍正三年題准文武一體應試添取武童擧名著為例

引票定額

附載扒印截角領繳現行則例

引以護鹽頒自農部

元易官券為引  
詳前鹽法攷

其紙方幅僅尺

用銅板印刷

順治元年令寶泉局刊鑄銅板刷印鹽引每引納紙硃銀叁釐同正課歲解戶

部其文則題定鹽勅繳引二款并行鹽地方康熙三十五年戶部覆准鑄山東引目銅板一樣陸塊六十

一年覆准令寶泉局照舊式鑄造新板其舊板即行銷燬頒時用紫堂印一顆山

東司紅印一顆掛黑記字號由巡鹽御史轉發運使

衙門收貯

康熙十二年例交新差御史帶往四十二年後由御史咨領於甲年冬請發乙引隨

繳紙硃額價

商人運鹽按季請領運使粘連引背鈐印一

顆註明該商姓名

引則綱商票則票商有咨部一定姓名赴場

引鹽俱赴永阜

場春配別無他場

春鹽築包

鹽以每包貳百觔為定額康熙十六年加鹽貳拾伍觔紅扒票

鹽一例加增包索引鹽參道票鹽貳道稍示別識

本場大使用印一顆截引

一角

第一

然後裝載入船運至蒲臺關本關批驗所

大使查驗包引相符濱樂分司抽包稱掣審無影射

夾帶將引用印一顆又截一角

第二

其引背用一藍

扒

扒記濱樂分司驗放訖

驗扒放船過關入大清河又用公直

小紅戳記

此係引商公僉一人駐立沿河票地邊界同巡役查察以防船戶偷挖

抵濼

口下關膠萊分司查驗包引相符用一黑小扒

扒記膠萊

分司驗  
放訖

本關大使引背用印一顆截去一角

第三將

鹽收貯入園引投運使衙門貯庫鹽出上關

此陸運始

該商報明起程具領原引

名曰熟引

運使用一黑大扒

扒記

鹽法道給某府州縣

膠萊分司查驗本關大使照數放行

舊例驗放

之後鹽即離坨高不逗迤但止用引護鹽水陸聽其自便雍正七年

欽

差刑部侍郎繆沅奏准設立水程驗單將引封固同驗單一併行知應銷地方另給商人水程扣日定限

以杜改包影射之弊殊不知裝載之鹽包多寡難以一即趨運之人馬前後不能整齊一遇雨水連綿道途泥濘車輛損覆人畜患病勢不能與驗單相符盤阻留難諸商苦累雍正十年巡鹽御史鄂禮據運

使兼鹽法道楊弘俊詳稱東運銷鹽地方水陸互錯車船迭更程驗之設原以便商護運而行之東省反致累商誤運東商現在行運鹽包俱該場大使計引春鹽蒲濼二關分司按引稱掣運赴行銷地方州縣驗鹽收引次第截角申繳報銷俱在大同廣衆之前已經截角之引斷不能入場影射引無影射則私鹽無從夾帶鹽無夾帶則改包之弊自可永除而程驗之設似可不必矣據詳題請戶部議覆應如所請嗣後東省行運鹽筋飭令該管官驗明各商現雇車船裝鹽若干照數給發引目隨到隨運執引護行無致遲誤水程驗單免其設立遵奉

俞旨允行商因

從此頓蘇 行至所售地方

引商各有照依定價各

縣議定鹽價

按季銷售其銷不及額與不敷行銷之

地酌量均引

引商雖有一定地方而引數多寡每不能與地方悉協蓋人民戶口或今盛而

昔衰或水旱災祲致彼豐而此嗇在引多之地不無壅滯之年而引少之商向有通融之例具呈詳請謂之代銷行之已久商民稱便雍正七年刑部侍郎繆沅奏准禁止以杜行私之弊在引少者不敷銷賣而引多者又銷不及額雍正十年巡鹽御史鄂禮疏稱東省引目通融代銷之法奉部以具題停止不便復令准行其現在行運不均之處或照河東之例將不能照額行銷之引目改撥於額引不敷之地方酌量增減通融派撥果否可行行令確議具奏茲據運使兼鹽法道楊弘俊詳以增減引目視銷鹽之難易而銷鹽難易又視年歲之豐歉但地方年歲斷難預定而銷引定額又未便任意減增若因一歲之偶然遂定成規於久遠則將來豐歉不齊難易各別均引於目前者不能均引於日後今再四籌畫必須按年查

察隨地權衡一歲一均方為盡善嗣後每歲於秋成後俟各州縣之年歲已定銷鹽之難易自可周知將銷不及額與不敷銷賣之處詳查明白限以十月為止通行撥定一面飭商運銷一面詳報查核併檄令撥運之州縣嚴查鹽引截角申報銷完之後仍將引目闕送原額之州縣解繳以副奏銷等情具題戶部議覆一歲之豐歉固難定為永遠之成規若行之數年則年歲之豐歉銷鹽之難易自可通融計算酌定章程今自雍正十年為始每年查明銷不足額者若干引額不足者若干通融計算均勻派撥仍題作定額以便久遠遵行可也奉

旨俞允嗣於十年十一十二等年秋成之後酌地均撥視其盈絀而裒益之國課易完而口鹽罔缺商民均俟行銷完日即呈明該州縣又截一角第四將殘



引彙批解繳運使衙門鏡燬入庫於奏銷時繳部查

考

如遇水火遺失取該地方印結報部票例同此

票式與引無異但於引面

另用一紅記曰奉

旨票鹽改引之引亦由巡鹽御

史轉發運使其該商出場過關掣驗扒印與引一例

但所配之場不同有紅扒黑扒之異

永利場配陽信樂陵高苑三縣

黑扒鹽富國場配霑化海豐二縣黑扒鹽永阜場除

配引鹽六十五處外又配章邱鄒平齊東濟陽臨邑

青城陵新泰德平惠民濱州蒲臺萊蕪十三州縣紅

扒鹽又配利津黑扒鹽王家岡場配樂安博興二縣

黑扒鹽官臺場配壽光長山淄川新城益都博山臨

淄臨朐濰縣昌樂安邱十一縣黑扒鹽西由場配平

度昌邑掖招遠四州縣黑扒鹽登寧場配福山蓬萊  
黃棲霞寧海文登榮成七州縣黑扒鹽石河場配膠  
即墨高密萊陽海陽五州縣黑扒鹽信陽場配諸城  
一縣黑扒鹽濤濤雜場配日照蘭山郟城費蒙陰沂水  
莒州七州縣黑扒鹽凡在蒲關以下者不經稱掣皆  
係散鹽運使按季發票之時粘背用印外另用一黑  
扒故曰黑扒鹽其在蒲關以上者章邱等十三處之  
鹽與引鹽一體築包稱驗惟不過濼關耳餘俱與引  
鹽同例經分司印扒故曰紅扒

所行之地方有過關不過關之分故  
視其所截之角則引票可分也

引截四角本場大使  
於出場時截第一角

蒲關截第二角濼關起運時截第三角行銷地方截  
第四角紅扒鹽票截三角無濼關惟新泰一縣有之  
黑扒鹽票截二角惟  
本場與行銷地方爾  
山東原額引肆拾陸萬叁千柒

百貳拾伍引今增至伍拾萬道實徵引課銀壹拾貳

萬貳千伍百肆拾兩

查元至元十二年山東銷引壹拾肆萬柒千肆百捌拾引二十

三年增至貳拾柒萬壹千肆拾貳引二十六年又減為貳拾貳萬大德十年又增至貳拾伍萬至大以後增至參拾壹萬其額價年遠無攷自洪永至萬歷間額引壹拾伍萬肆千伍百柒拾伍道每一引計鹽陸百觔納引課壹錢伍分又餘課銀參錢陸分伍釐割沒銀壹錢正雜共陸錢壹分伍釐

皇清順治元年以一引分為三引共計肆拾陸萬參千柒百貳拾伍引每引連包索貳百觔徵銀貳錢零伍釐十一年題減貳拾參萬參千柒百貳拾伍引十二年題增壹萬伍千引十三年題增捌萬引十七年題減捌萬引然止行貳拾肆萬伍千之引而仍輸參拾貳萬伍千之課每引攤徵至貳錢柒分貳釐零康熙

五年題撥河南之儀封杞蘭陽通許太康五縣歸併長蘆運司除去引壹萬叁千壹百捌拾玖道六年題復原減引捌萬道仍照舊額每引徵貳錢伍釐十四年題准正票每引加課銀伍分十六年每引加鹽貳拾伍觔增銀肆分十七年題准凡遇閏月之年增行閏引按額加派十八年題請每拾引加壹引增引叁萬壹千壹百捌拾壹道二十年恭遇

恩詔

着嗣後免增閏月鹽引二十四年題准停止每引加課伍分三十五年題准增引伍萬道五十六年題准增引伍萬柒千伍百伍拾陸道雍正三年覆准東運行鹽地方因從前節次加增引目未經分別州縣止按引數派散是以有引多引少之嫌將魚臺等三十一州縣額引減去壹萬捌千肆百陸拾道量增於鹿邑等二十一州縣雍正七年題准增引肆萬玖千肆百伍拾貳道共現行引伍拾萬道實徵課銀壹拾貳

萬貳千伍百肆拾兩每壹引  
額徵銀貳錢肆分伍釐捌絲

額票玖萬肆千肆拾柒張今增至壹拾柒萬壹千柒  
百肆拾張實徵票價銀參萬陸千參百肆拾參兩貳

錢參分玖釐玖毫捌絲壹忽貳微陸纖貳沙參塵肆

埃查舊額青登萊三府章邱等二十四州縣共票玖  
萬肆千零肆拾柒張價無一定自柒分柒釐零以

至壹錢參分  
參釐零不等

本朝額徵俱仍其舊康熙十六年每票加鹽貳拾伍觔  
加課銀參分十八年每票加課銀陸分又每拾票加  
壹票增票玖千肆百零伍張雍正七年增票伍萬貳  
千玖拾貳張八年又增票捌千壹百參拾伍張九年

又將商河臨邑陵德平鄆城等五縣原引改給為票  
共增票捌千陸拾壹張共現行票壹拾柒萬壹千柒  
百肆拾張實徵課銀叁萬陸千叁  
百肆拾叁兩貳錢叁分玖釐零 又每年添設餘票

伍萬張以待商人之隨時酌增而行銷不盡者仍繳

部蓋引有定而票無定引商有綱而票商無綱此則

引票之規制也

雍正二年凡票地必取本籍之有身  
家者由地方官報充八年定例不拘

土著召募殷實良商遇  
缺項充用綱商保結

引票行銷

凡行引之地票商不得攙越票地亦然畫里分疆各

有界限列之如左

濟南府屬 歷城齊河禹城長清德州平原皆引地  
章邱鄒平淄川長山新城齊東濟陽臨邑陵德平  
皆票地

兗州府屬 滋陽曲阜寧陽鄒泗水滕嶧金鄉魚臺  
濟寧嘉祥汶上陽穀壽張皆引地

東昌府屬 聊城堂邑博平茌平清平莘冠臨清邱  
恩館陶高唐夏津武城皆引地

青州府屬 益都臨淄博興高苑樂安壽光昌樂臨朐安邱諸城博山皆票地

登州府屬 蓬萊黃福山棲霞招遠萊陽寧海文登海陽榮成皆票地

萊州府屬 掖平度濰昌邑膠州高密即墨皆票地  
武定府屬 惠民青城陽信海豐樂陵商河濱州利津霑化蒲臺皆票地

沂州府屬 蘭山剡城費莒州蒙陰沂水日照皆票



地

曹州府屬

荷澤單城武鉅野鄆城曹定陶濮州范

觀城朝城皆引地

泰安府屬

泰安肥城東平東阿平陰皆引地 新

泰萊蕪皆票地

又河南省歸德府屬

高邱寧陵鹿邑夏邑永城虞

城睢州柘城考城皆引地

江南省宿州銅山豐沛蕭碭山皆引地

以上引地凡六十有五領運商人皆十二綱商認定  
行銷之地其領引多寡不同每歲有增無減總配定  
伍拾萬引之數 票地凡五十有七領運商人每年

更換無定其領票多寡不同亦有增無減現在行銷

共票壹拾柒萬壹千柒百肆拾張

內登州府屬蓬萊  
黃福山寧海棲霞

招遠萊陽海陽文登榮成萊州府屬掖平度昌邑膠  
州高密即墨青州府屬安邱諸城等十八州縣向以  
地近鹽灘空立商名均派里地雍正八年題請鹽課  
攤入地畝州縣總徵分解十八州縣原票共貳萬伍

千貳百  
柒拾張

場課編條

附民  
佃額

各場裁併已詳前官司規制內其額徵丁地

竈籍之  
戶口有

丁原撥給竈戶有地人有民佃錢  
糧寄徵於各州縣者不入場編

灘蕩

各場有原給  
竈戶草灘地

以供  
芻薪 鍋面

煎鹽之鍋  
計數定稅

魚課

魚鹽鈔課明季設徵  
以供蒲府今仍其名

明時上下官司竈戶皆  
供食鹽其後折價成例

以及孔府銅鹽各場等則不

同款數亦異詳列於左

永利場

額徵  
五則

竈丁

原額竈丁柒百玖拾柒丁又裁併豐民場原

額竈丁伍百柒拾柒丁二共竈丁壹千叁百柒拾肆  
丁雍正四年除一半丁銀攤入地糧項下徵收外一  
半按丁均攤每丁徵銀壹錢肆分柒釐叁毫伍絲叁  
忽貳微陸沙伍塵壹埃肆渺各場同共徵竈丁銀貳百  
貳兩肆錢陸分叁釐零於王家岡等場竝各州縣新  
墾起科地畝照例加攤扣減竈丁銀壹兩捌錢肆分  
貳釐零實徵銀貳百兩陸錢貳分零雍正八年查明  
應增竈丁叁拾柒丁

雍正八年戶部題覆康熙五  
十一年以後之丁永不加賦其

自康熙十八年起至五十年止節年所增竈丁應入額徵糧自雍正八年各場應增竈丁與原額之丁照例加攤各場同此照例增丁銀伍兩肆錢伍分貳釐零於西由信陽二場新墾地畝照例加攤應扣減竈丁銀陸釐零實徵新增竈丁銀伍兩肆錢肆分陸釐零原額竝新增竈丁共壹千肆百壹拾壹丁實徵丁銀貳百陸兩陸分陸釐玖毫叁絲肆忽捌沙壹塵康熙五十年以後滋生竈丁捌拾玖丁欽奉五十二年

恩詔免其加賦

各場同

竈地 原額新墾自首竈地共貳百貳拾玖頃捌拾  
貳畝伍分又裁併豐民場原額竈地捌拾捌頃肆拾  
肆畝參分陸釐捌毫二共竈地參百壹拾捌頃貳拾  
陸畝捌分陸釐捌毫共徵銀壹百玖拾兩玖錢陸分  
壹釐零每兩加攤竈丁銀參錢陸分玖釐玖毫柒絲  
捌忽陸微陸纖肆沙壹塵柒渺肆漠玖糊各場共加  
銀柒拾兩陸錢伍分壹釐零共實徵銀貳百陸拾壹  
兩陸錢壹分貳釐柒毫捌絲陸微參纖貳沙貳塵

草蕩灘池地 原額新墾地共柒頃柒拾肆畝肆分  
柒釐壹毫又裁併豐民場原額草蕩灘池地共拾伍  
頃叁拾陸畝壹分叁釐二共地貳拾叁頃壹拾畝陸  
分壹毫共徵銀玖拾柒兩肆錢玖分捌釐零每兩照  
竈地加攤之例共加攤丁銀叁拾陸兩柒分貳釐零  
二共實徵銀壹百叁拾叁兩伍錢柒分伍毫貳絲伍  
忽貳纖柒沙捌塵

鹽鍋課 額無

魚鹽課鈔 額徵銀伍錢柒分伍毫

食鹽折價 原額銀壹拾肆兩壹錢又裁併豐民場

原額銀伍兩柒錢二共徵銀壹拾玖兩捌錢

孔府銅鹽 額解鹽壹千柒百零玖觔

以上共實徵銀陸百貳拾壹兩陸錢貳分柒毫伍  
絲玖忽陸微陸纖捌沙叁塵

富國場 額徵  
五則

竈丁 原額竈丁柒百壹拾伍丁又裁併利國場原



額竈丁參百捌拾柒丁二共竈丁壹千壹百貳丁雍

正四年除一半丁銀攤入地畝項下徵收外一半按

丁均攤每丁徵銀壹錢肆分柒釐零

尾數同永利場

共徵竈

丁銀壹百陸拾貳兩叁錢捌分叁釐零於王家岡等

場竝各州縣新墾起科地畝照例加攤應扣減竈丁

銀壹兩肆錢柒分柒釐零實徵銀壹百陸拾兩玖錢

伍釐零雍正八年查明應增竈丁叁拾貳丁照例增

丁銀肆兩柒錢壹分伍釐零於西由信陽二場新墾

地畝照例加攤應扣減竈丁銀伍釐壹毫零實徵銀肆兩柒錢壹分零原額竝新增竈丁共壹千壹百叁拾肆丁共實徵丁銀壹百陸拾伍兩陸錢壹分伍釐陸毫伍絲伍忽捌微陸纖玖沙壹塵康熙五十一年以後滋生竈丁柒拾貳丁欽奉

恩詔免其加賦

竈地 原額新墾自首竈地共貳百捌拾叁頃陸拾玖畝肆分陸釐伍毫又裁併利國場原額新墾自首

改徵竈地壹百捌拾貳頃陸拾畝叁分壹釐二共竈  
地肆百陸拾陸頃貳拾玖畝柒分柒釐伍毫共徵銀  
貳百柒拾玖兩柒錢柒分捌釐零每兩加攤竈丁銀  
叁錢陸分玖釐零尾數同永利場共加銀壹百叁兩伍錢壹  
分貳釐零共實徵銀叁百捌拾叁兩貳錢玖分柒毫  
捌絲壹忽壹微柒纖貳沙捌塵

草蕩灘池地 原額地壹拾伍頃玖拾肆畝肆分伍  
釐又裁併利國場原額新墾灘池地共玖拾捌畝伍

分陸釐陸毫捌絲二共地壹拾陸頃玖拾叁畝壹釐  
陸毫捌絲共徵銀叁拾貳兩肆錢貳分肆釐零每兩  
照窰地加攤之例共加攤丁銀壹拾壹兩玖錢玖分  
陸釐零二共實徵銀肆拾肆兩肆錢貳分伍毫叁絲  
陸微玖纖玖沙柒塵

鹽鍋課額 原額鹽鍋叁面徵銀叁錢貳分肆釐  
魚鹽課鈔 額無

食鹽折價 原額銀壹拾玖兩貳錢又裁併利國場

原額銀柒兩貳錢二共徵銀貳拾陸兩肆錢

孔府鈔鹽 額解鹽壹千肆百零柒觔

以上共實徵銀陸百貳拾兩伍分玖毫陸絲柒忽  
柒徵肆纖壹沙陸塵

永阜場

額徵  
五則

竈丁 原額改徵竈丁柒百玖拾伍丁又裁併豐國  
場改徵竈丁壹千肆百壹拾陸丁又裁併寧海場改  
徵竈丁柒百柒拾貳丁三共改徵竈丁貳千玖百捌

拾叁丁雍正四年除一半竈丁銀攤入地糧項下徵

收外一半按丁均攤每丁徵銀壹錢肆分柒釐零

尾數

同永利場共徵竈丁銀肆百叁拾玖兩伍錢伍分肆釐零

於王家岡等場竝各州縣新墾起科地畝照例加攤

應扣減竈丁銀叁兩玖錢玖分玖釐零實徵銀肆百

叁拾伍兩伍錢伍分肆釐零雍正八年查明應增竈

丁柒拾壹丁照例增丁銀壹拾兩肆錢陸分貳釐零

於西由信陽二場新墾地畝照例加攤應扣減竈丁

銀壹分壹釐伍毫零實徵銀壹拾兩肆錢伍分零原額竝新增竈丁共叁千伍拾肆丁共實徵銀肆百肆拾陸兩伍釐貳毫貳絲叁忽陸微伍纖伍沙壹塵康熙五十一年以後滋生竈丁壹百叁拾叁丁欽奉

恩詔免其加賦

竈地 原額改徵新墾自首竈地共壹百玖拾頃伍拾伍畝壹分捌釐柒毫伍絲又裁併豐國場原額改徵新墾自首竈地共壹百伍拾陸頃貳拾捌畝捌分

捌釐伍毫玖絲又裁併寧海場原額改徵新墾自首  
竈地共貳百肆拾玖頃貳拾肆畝貳分三共竈地伍  
百玖拾陸頃捌畝貳分柒釐叁毫肆絲共徵銀叁百  
伍拾玖兩貳錢陸分玖釐零每兩加攤竈丁銀叁錢  
陸分玖釐零尾數同水利場共加攤丁銀壹百叁拾貳兩玖  
錢貳分貳釐零共實徵銀肆百玖拾貳兩壹錢玖分  
壹釐柒毫肆絲貳忽玖沙伍塵

草蕩灘池地 原額新墾自首地共伍拾伍頃玖拾



玖畝叁分貳釐伍毫壹絲叁忽又裁併豐國場原額  
新墾自首草蕩灘池地共貳拾貳頃叁畝肆分陸釐  
玖毫又裁併寧海場原額新墾自首草蕩灘池地共  
叁拾玖頃玖拾伍畝柒分伍釐貳絲三共地壹百壹  
拾柒頃玖拾捌畝伍分肆釐肆毫叁絲叁忽共徵銀  
貳百柒拾貳兩玖錢貳分柒釐零每兩照竈地加攤  
之例共加攤丁銀壹百兩玖錢柒分柒釐零二共實  
徵銀叁百柒拾叁兩玖錢肆釐貳毫柒絲伍忽玖微

柒織柒沙捌塵

鹽鈎課額 原額鹽鈎肆面徵銀肆錢

魚鹽課鈔 額無

食鹽折價 原額銀壹拾伍兩陸錢又裁併豐國場  
原額銀壹拾伍兩又寧海場原額銀貳拾陸兩肆錢  
三共徵銀伍拾柒兩

孔府鈔鹽 額解鹽伍千叁拾貳觔

以上共實徵銀壹千叁百陸拾玖兩伍錢壹釐貳

毫肆絲壹忽陸微肆纖貳沙肆塵

王家岡場

額徵  
五則

竈丁 原額竈丁捌百貳丁又裁併新鎮場原額竈  
丁捌百捌拾伍丁又裁併高家港場原額竈丁柒百  
參拾陸丁三共竈丁貳千肆百貳拾參丁雍正四年  
除一半竈丁銀攤入地糧項下徵收外一半按丁均  
攤每丁徵銀壹錢肆分柒釐零

尾數同  
永利場

共徵竈丁銀

參百伍拾柒兩參分陸釐零於王家岡等場竝各州

縣新墾起科地畝照例加攤應扣減竈丁銀參兩貳錢肆分玖釐零實徵銀參百伍拾參兩柒錢捌分柒釐零雍正八年查明應增竈丁柒拾貳丁照例增丁銀壹拾兩陸錢玖釐零於西由信陽二場新墾地畝加攤應扣減竈丁銀壹分壹釐陸毫零實徵銀壹拾兩伍錢玖分柒釐零原額併新增竈丁共貳千肆百玖拾伍丁共實徵銀參百陸拾肆兩參錢捌分伍釐伍毫參絲壹忽壹微捌纖壹沙陸塵康熙五十一年

以後滋生竈丁壹百伍拾捌丁欽奉

恩詔免其加賦

竈地 原額新墾自首竈地共叁百貳拾柒頃陸拾捌畝肆分貳釐玖毫又裁併新鎮場原額自首竈地共壹百玖拾壹頃伍拾伍畝肆分陸釐柒毫叁絲又裁併高家港場原額自首竈地共玖拾捌頃伍拾捌畝叁分玖釐伍毫三共竈地陸百壹拾柒頃捌拾貳畝貳分玖釐壹毫叁絲共徵銀叁百柒拾兩陸錢玖

分參釐零每兩加攤竈丁銀參錢陸分玖釐零

尾數同永

利場共加攤竈丁銀壹百參拾柒兩壹錢肆分捌釐零

共實徵銀伍百柒兩捌錢肆分貳釐伍毫貳絲伍忽

肆微肆沙壹塵

草蕩灘池地

原額新墾地共柒拾捌畝肆分肆釐

玖毫又裁併新鎮場原額自首草蕩灘池地共壹百

零貳頃捌拾參畝柒分參釐參毫參絲又裁併高家

港場原額新墾草蕩灘池地共壹百壹拾陸頃伍拾

壹畝伍分三共地貳百貳拾頃壹拾叁畝陸分捌釐  
貳毫叁絲共徵銀壹百伍拾伍兩捌錢柒分叁釐零  
每兩照竈地加攤之例共加攤丁銀伍拾柒兩陸錢  
陸分玖釐零二共實徵銀貳百壹拾叁兩伍錢肆分  
叁釐伍毫捌忽陸微柒纖壹沙

鹽鍋課 額無

魚鹽課鈔 原額銀肆錢玖分柒釐又裁併高家港  
場原額銀伍錢貳分陸毫二共徵銀壹兩壹分柒釐

陸毫

食鹽折價 原額銀貳拾兩柒錢

孔府鈔鹽 額解鹽捌百伍拾貳觔

以上共實徵銀壹千壹百柒兩肆錢捌分玖釐壹毫陸絲伍忽貳微伍纖陸沙柒塵

官臺場

額徵  
五則

竈丁 原額竈丁壹千玖拾陸丁又歸併濰縣之固

堤場原額竈丁貳千陸百玖拾伍丁二共竈丁叁千



柒百玖拾壹丁雍正四年除一半竈丁銀攤入地糧

項下徵收外一半按丁均攤每丁徵銀壹錢肆分柒

釐零

尾數同永利場

共徵竈丁銀伍百伍拾捌兩陸錢壹分

陸釐零於王家岡等場竝各州縣新墾起科地畝照

例加攤應扣減竈丁銀伍兩捌分叁釐零實徵銀伍

百伍拾叁兩伍錢叁分貳釐零雍正八年查明應增

竈丁壹百伍拾丁照例增丁銀貳拾貳兩壹錢貳釐

零於西由信陽二場新墾地畝加攤應扣減銀貳分

肆釐參毫零實徵銀貳拾貳兩柒分捌釐零原額竝  
新增竈丁共參千玖百肆拾壹丁共實徵竈丁銀伍  
百柒拾伍兩陸錢壹分壹釐貳毫參絲玖忽玖微肆  
纖參塵康熙五十一年以後滋生竈丁壹百捌拾參  
丁欽奉

恩詔免其加賦

竈地 原額新墾自首竈地共玖百玖拾頃壹拾參  
畝壹分壹釐柒毫柒絲又歸併濰縣之固堤場原額

自首竈地共參百肆拾參頃玖拾參畝柒分玖釐伍  
毫二共竈地壹千叁百叁拾肆頃陸畝玖分壹釐貳  
毫柒絲共徵銀捌百兩肆錢肆分壹釐零每兩加攤  
竈丁銀參錢陸分玖釐零尾數同永利場共加銀貳百玖拾  
陸兩壹錢肆分陸釐零共實徵銀壹千玖拾陸兩伍  
錢捌分柒釐柒毫肆絲肆忽貳微陸纖柒塵

草蕩灘池地 原額地肆拾伍頃陸拾貳畝壹分陸

釐又歸併濰縣之固堤場草蕩灘池地貳頃叁拾貳

畝二共地肆拾柒頃玖拾肆畝壹分陸釐共徵銀柒拾玖兩壹錢壹分陸釐每兩照竈地加攤之例共加攤丁銀貳拾玖兩貳錢柒分壹釐零共實徵銀壹百捌兩參錢捌分柒釐捌毫貳絲壹忽捌纖肆塵

鹽鍋課額 本場新置鹽鍋壹拾叁面又歸併固堤場原額竝新置鹽鍋共壹百壹拾叁面二共鹽鍋壹百貳拾陸面共徵銀叁拾叁兩參錢貳分零

魚鹽課鈔 歸併固堤場原額銀叁錢柒分貳釐

食鹽折價 額無

孔府銅鹽

額無

孔府銅鹽原額永利富國  
永阜王家岡四場餘俱無

以上共實徵銀壹千捌百壹拾肆兩貳錢柒分捌  
釐捌毫貳絲玖忽陸微壹沙肆塵

西由場

額徵  
五則

竈丁 原額竈丁壹千柒百捌拾柒丁又裁併海倉  
場原額竈丁壹千肆百玖拾捌丁二共竈丁叁千貳  
百捌拾伍丁雍正四年除一半丁銀攤入地糧項下

徵收外一半按丁均攤每丁徵銀壹錢肆分柒釐零  
尾數同永利場共徵竈丁銀肆百捌拾肆兩伍分伍釐零於

王家岡等場並各州縣新墾起科地畝照例加攤應  
扣減竈丁銀肆兩肆錢肆釐零實徵銀肆百柒拾玖  
兩陸錢伍分叁毫零雍正八年查明應增竈丁玖拾  
丁照例增丁銀壹拾叁兩貳錢陸分壹釐零於西由  
信陽二場新墾地畝加攤應扣減竈丁銀壹分肆釐  
陸毫零實徵銀壹拾叁兩貳錢肆分柒釐零原額並

新增竈丁共參千參百柒拾伍丁共實徵銀肆百玖拾貳兩捌錢玖分柒釐伍毫陸絲參忽柒微伍纖陸沙玖塵康熙五十一年以後滋生竈丁貳百貳拾參丁欽奉

恩詔免其加賦

竈地 原額新墾自首竈地共參百貳拾陸頃參拾柒畝壹分壹釐伍毫又裁併海倉場原額竈地共參百柒拾伍頃肆拾畝肆分參釐貳絲二共竈地柒百

壹頃柒拾柒畝伍分肆釐伍毫貳絲共徵銀肆百貳拾壹兩陸分伍釐零每兩加攤竈丁銀參錢陸分玖

釐零

尾數同永利場

共加銀壹百伍拾貳兩玖錢肆分柒釐

零共實徵銀伍百柒拾肆兩壹分參釐捌絲玖忽伍微捌纖玖沙玖塵

草蕩灘池地 原額地柒拾肆頃貳拾捌畝貳釐又

裁併海倉場原額新墾草蕩灘池地共柒拾柒頃肆拾畝柒分肆釐壹毫捌絲共計地壹百伍拾壹頃陸



拾捌畝柒分陸釐壹毫捌絲共徵銀壹百貳拾肆兩  
陸錢玖分壹釐零每兩照電地加攤之例共加攤丁  
銀肆拾陸兩壹錢叁分叁釐零二共實徵銀壹百柒  
拾兩捌錢貳分伍釐叁毫伍絲捌忽柒纖叁沙柒塵  
鹽鍋課額 原額並新置鹽鍋共陸拾陸面又裁併  
海倉場原額並新置鹽鍋壹百零柒面二共鹽鍋壹  
百柒拾叁面共徵銀貳拾兩柒錢陸分

魚鹽課鈔 原額銀壹錢陸分伍毫又裁併海倉場

原額銀玖分貳釐二共徵銀貳錢伍分貳釐伍毫

食鹽折價 額無

以上共實徵銀壹千貳百伍拾捌兩柒錢肆分捌釐肆毫捌絲壹忽肆微貳纖伍塵

登寧場

額徵  
四則

竈丁 原額竈丁貳千叁百貳拾陸丁雍正四年除

一半丁銀攤入地糧項下徵收外一半按丁均攤每

丁徵銀壹錢肆分柒釐零

尾數同  
永利場

共徵竈丁銀叁百

肆拾貳兩柒錢肆分叁釐零於王家岡等場並各州  
縣新墾起科地畝照例加攤應扣減竈丁銀叁兩壹  
錢壹分捌釐零實徵銀叁百叁拾玖兩陸錢貳分肆  
釐零雍正八年查明應增竈丁陸拾丁照例增丁銀  
捌兩捌錢肆分壹釐零於西由信陽二場新墾地畝  
加攤應扣減竈丁銀玖釐柒毫零實徵銀捌兩捌錢  
叁分壹釐零原額並新增竈丁共貳千叁百捌拾陸  
丁共實徵銀叁百肆拾捌兩肆錢伍分陸釐肆絲柒

忽肆微捌纖肆沙柒塵康熙五十一年以後滋生竈  
丁壹百陸拾肆丁欽奉

恩詔免其加賦

竈地 原額自首竈地共貳百玖拾壹頃玖拾伍畝  
陸分肆釐貳毫共徵銀壹百柒拾伍兩壹錢柒分叁  
釐捌毫伍絲貳忽每兩加攤竈丁銀叁錢陸分玖釐  
零尾數同永利場共加銀陸拾肆兩捌錢壹分零共實徵銀  
貳百叁拾玖兩玖錢捌分肆釐肆毫叁絲玖忽柒微

肆織玖沙伍塵

草蕩灘課 額無

鹽鍋課額 原額竝新置鹽鍋共壹百貳拾捌面共  
徵銀壹拾伍兩叁錢陸分

魚鹽課鈔 原額銀貳錢壹分肆釐伍毫

食鹽折價 額無

以上共實徵銀陸百肆兩壹分肆釐玖毫捌絲柒  
忽貳微叁纖肆沙貳塵

石河場

額徵  
五則

竈丁

原額竈丁陸百捌拾捌丁又裁併行村場原

額竈丁陸百貳拾陸丁二共竈丁壹千叁百壹拾肆

丁雍正四年除一半丁銀攤入地糧項下徵收外一

半按丁均攤每丁徵銀壹錢肆分柒釐零

尾數同  
永利場

共

徵竈丁銀壹百玖拾叁兩陸錢貳分貳釐零於王家

岡等場竝各州縣新墾起科地畝照例加攤應扣減

竈丁銀壹兩柒錢陸分壹釐零實徵銀壹百玖拾壹

兩捌錢陸分零雍正八年查明應增竈丁叁拾柒丁  
照例增丁銀伍兩肆錢伍分貳釐零於西由信陽二  
場新墾地畝加攤應扣減竈丁銀陸釐叁忽零實徵  
銀伍兩肆錢肆分陸釐零原額竝新增竈丁共壹千  
叁百伍拾壹丁共實徵銀壹百玖拾柒兩叁錢陸釐  
貳毫壹絲陸忽肆微捌纖伍沙肆塵康熙五十一年  
以後滋生竈丁玖拾捌丁欽奉

恩詔免其加賦

竈地 原額自首竈地共壹百壹拾柒頃肆拾玖畝  
玖分肆釐柒毫又裁併行村場原額竈地叁百伍拾  
壹頃柒分捌釐壹毫二共竈地肆百陸拾捌頃伍拾  
畝柒分貳釐捌毫共徵銀貳百捌拾壹兩壹錢肆釐  
零每兩加攤竈丁銀叁錢陸分玖釐零尾數同永利場共加  
銀壹百肆兩貳釐零共實徵銀叁百捌拾伍兩壹錢  
陸釐陸毫玖絲陸微叁纖貳沙

草蕩地 原額地伍頃捌畝柒分捌釐叁毫又裁併



行村場草蕩地肆拾柒頃玖拾柒畝捌釐伍毫二共  
地伍拾參頃伍畝捌分陸釐捌毫共徵銀參拾壹兩  
捌錢參分伍釐零每兩照竈地加攤之例共加攤丁  
銀壹拾壹兩柒錢柒分捌釐零二共實徵銀肆拾參  
兩陸錢壹分參釐伍毫伍絲伍忽柒微貳纖柒沙肆  
塵

鹽鍋課額 裁併行村場原額竝新置鹽鍋共壹百  
玖拾柒面共徵銀壹拾玖兩柒錢

魚鹽課鈔

裁併行村場原額銀壹錢陸分

食鹽折價

額無

以上共實徵銀陸百肆拾伍兩捌錢捌分陸釐肆

毫陸絲貳忽捌微肆纖肆沙捌塵

信陽場

額徵五則

竈丁 原額竈丁壹千伍百陸拾丁雍正四年除一

半丁銀攤入地糧項下徵收外一半按丁均攤每丁

徵銀壹錢肆分柒釐零

尾數同永利場

共徵竈丁銀貳百貳

拾玖兩捌錢柒分壹釐零於王家岡等場並各州縣  
新墾起科地畝照例加攤應扣減竈丁銀貳兩玖分  
壹釐零實徵銀貳百貳拾柒兩柒錢柒分玖釐零雍  
正八年查明應增竈丁肆拾叁丁照例增丁銀陸兩  
叁錢叁分陸釐零於西由信陽二場新墾地畝加攤  
應扣減竈丁銀陸釐玖毫零實徵銀陸兩叁錢貳分  
玖釐零原額並新增竈丁共壹千陸百叁丁共實徵  
銀貳百叁拾肆兩壹錢捌釐叁毫捌絲伍忽玖微肆

織捌沙康熙五十一年以後滋生竈丁壹百叁拾伍  
丁欽奉

恩詔免其加賦

竈地 原額新墾自首竈地共柒百陸拾叁頃叁拾  
肆畝柒分玖釐共徵銀肆百伍拾捌兩玖釐零每兩  
加攤竈丁銀叁錢陸分玖釐零尾數同永利場共加攤丁銀  
壹百陸拾玖兩肆錢伍分叁釐零共實徵銀陸百貳  
拾柒兩肆錢陸分貳釐柒毫貳絲捌忽捌微肆纖陸

沙壹塵

灘蕩地 原額地叁百壹拾柒頃伍拾玖畝捌分伍釐玖毫共徵銀壹百玖拾兩伍錢伍分貳釐零每兩照竈地加攤之例共加攤丁銀柒拾兩伍錢貳釐零二共實徵銀貳百陸拾壹兩陸分壹釐玖毫柒絲伍忽貳微叁纖捌塵

鹽鍋課額 新置鹽鍋捌拾面徵銀玖兩陸錢

魚鹽課鈔 原額銀壹錢伍分陸釐柒毫

食鹽折價 額無

以上共實徵銀壹千壹百叁拾貳兩叁錢捌分玖

釐柒毫捌絲玖忽貳纖肆沙玖塵

濤碓場

額徵  
四則

竈丁 原額竈丁壹千柒拾叁丁雍正四年除一半

丁銀攤入地糧項下徵收外一半按丁均攤每丁徵

銀壹錢肆分柒釐零

尾數同  
永利場

共徵竈丁銀壹百伍拾

捌兩壹錢玖釐零於王家岡等場竝各州縣新墾起

科地畝照例加攤扣減竈丁銀壹兩肆錢叁分捌釐  
零實徵銀壹百伍拾陸兩陸錢柒分壹釐零雍正八  
年查明應增竈丁叁拾肆丁照例增丁銀伍兩壹分  
零於西由信陽二場新墾地畝加攤應扣減竈丁銀  
伍釐伍毫零實徵銀伍兩肆釐零原額竝新增竈丁  
共壹千壹百柒丁共實徵銀壹百陸拾壹兩陸錢柒  
分伍釐陸毫捌絲壹壹忽貳微柒纖捌沙玖塵康熙五  
十一年以後滋生竈丁壹百肆丁欽奉

恩詔免其加賦

竈地

原額自首竈地共貳百肆拾柒頃伍拾壹畝

肆分捌釐伍毫共徵銀壹百肆拾捌兩伍錢捌釐玖

毫壹絲每兩加攤竈丁銀叁錢陸分玖釐零

尾數同永利場

共加攤丁銀伍拾肆兩玖錢肆分伍釐零共實徵銀

貳百叁兩肆錢伍分肆釐叁絲捌忽壹微貳纖玖沙

捌塵

灘蕩地

原額自首地共肆拾肆頃叁拾陸畝叁分



伍釐共徵銀貳拾陸兩陸錢壹分捌釐壹毫每兩照  
竈地加攤之例共加攤丁銀玖兩捌錢肆分捌釐零  
共實徵銀叁拾陸兩肆錢陸分陸釐貳毫貳絲玖忽  
柒纖玖沙貳塵

鹽鍋課額 新置鹽鍋壹拾伍面徵銀壹兩捌錢  
魚鹽課鈔 額無

食鹽折價 額無

以上共實徵銀肆百叁兩叁錢玖分伍釐玖毫肆

絲捌忽肆微捌纖柒沙玖塵

附民佃總額

此係各州縣額徵竈地錢糧多寡不一難以備悉因其事關鹽課附載於此以

備考  
核云

濟南府屬

歷城  
新城

章邱  
齊東

鄒平  
長山

淄川  
長清

青州府屬

益都  
樂安

臨淄  
壽光

博興  
昌樂

高苑  
臨朐

安邱  
諸城

登州府屬

蓬萊  
海陽

黃縣  
招遠

福山  
萊陽

棲霞  
寧海州

文登  
榮成

萊州府屬

掖縣  
膠州

平度州

昌邑

濰縣

高密

即墨

武定府屬

惠民  
青城

陽信  
商河

海豐  
濱州

樂陵  
利津

霑化  
蒲臺

沂州府屬

蘭山  
沂水

莒州  
日照

費縣

秦州府屬

秦安

以上五十一州縣共計徵民佃原額銀肆千叁拾叁  
兩捌錢捌分貳釐壹毫叁絲肆忽捌微陸纖雍正四  
年加攤竈丁銀壹千肆百玖拾貳兩肆錢伍分叁毫

貳絲參忽肆微貳纖貳沙陸塵共民佃竝加攤丁銀  
伍千伍百貳拾陸兩參錢參分貳釐肆毫伍絲捌忽  
貳微捌纖貳沙陸塵鹽課銀壹千伍百柒拾柒兩柒  
錢參分玖釐玖毫玖絲壹忽民佃鹽課二項共銀柒  
千壹百肆兩柒分貳釐肆毫肆絲玖忽貳微捌纖貳  
沙陸塵內於請寬隱糧之嚴例等事案內雍正八年  
歷城益都等九州縣水冲鹽壩地畝開除民佃銀貳  
錢玖分參釐貳毫陸絲肆忽捌微貳纖又開除民佃

加攤竈丁銀壹錢柒釐柒毫叁絲壹忽捌微伍纖貳  
沙貳塵開除鹽課銀壹釐柒毫捌絲陸忽伍微壹纖  
又於欽奉

上諭事案內雍正九年益都縣建立滿城地畝應豁除  
民佃銀肆分陸釐玖毫壹絲肆忽玖微柒纖又豁除  
加攤竈丁銀壹分柒釐叁毫伍絲柒忽伍微叁纖柒  
沙玖塵又豁除鹽課銀貳分貳釐陸毫玖絲玖忽玖  
微伍纖二案共開除銀肆錢捌分玖釐柒毫伍絲伍

忽陸微肆織壹塵實徵銀柒千壹百叁兩伍錢捌分  
貳釐陸毫玖絲叁忽陸微肆織貳沙伍塵又各縣起  
科首報竝新增民佃銀壹拾兩伍錢壹分叁釐叁絲  
壹忽伍微柒織又照例加攤竈丁銀叁兩捌錢捌分  
玖釐伍毫玖絲柒忽叁微柒織伍沙玖塵新增民佃  
腳價銀貳釐柒毫玖絲肆忽捌微貳織新增鹽課銀  
壹分陸釐玖毫玖絲捌微壹織新增民佃竝腳價銀  
壹分貳釐壹毫陸絲伍忽肆微柒織照例加攤竈丁

銀肆釐肆毫柒絲肆忽壹微壹纖壹沙叁塵五共新  
增銀壹拾肆兩肆錢叁分玖釐伍絲肆忽壹微伍纖  
柒沙貳塵

以上共實徵銀柒千壹百壹拾捌兩貳分壹釐柒毫  
壹絲柒忽柒微玖纖玖沙柒塵

按民佃一項於前明正德七年題定各場竈丁逃亡  
遺下竈地俱係濟青登萊等府居民佃種種戶雖非  
竈丁而所種原係竈地此民佃之所由起也日久患

滋民竈互相推諉許訟不休雍正四年奉

旨清查竈地凡遠年迷失錢糧均攤民佃項下民間所  
買竈地轉售之日必歸之竈而竈地永不許再售之  
民奉行日久則竈地之原額可復民佃之額款可除  
矣至各州縣民佃之外又有鹽課一項有攤入大糧  
者有商人代辦者亦有竈戶自納者其原起不可得  
而攷而總括此柒千餘兩數內若論地之原額則止  
有肆千餘兩之成數也竝志之



以上拾場共竈丁貳萬壹千捌百伍拾柒丁實徵銀

叁千壹百玖拾貳兩壹錢貳分捌釐肆毫玖絲玖忽

陸微捌沙叁塵

按順治十五年奉查順治十一年以前山東逃亡竈丁共貳萬肆千貳百

壹拾叁丁免追又康

熙五十二年欽奉

恩

詔盛世滋生人丁永不加賦合

前後觀之則原額丁數可見

竈地共伍千捌百伍頃

陸拾肆畝叁分壹釐陸絲實徵銀叁千肆百捌拾伍

兩陸釐肆毫柒絲壹忽陸微又加攤丁銀壹千貳百

捌拾陸兩伍錢肆分捌絲柒忽捌微貳纖陸沙陸塵

又加民佃竈地銀柒千壹百壹拾捌兩貳分壹釐零則當日之原額竈地又可知矣雍正十年清查造冊

部草蕩灘池地玖百玖拾貳頃捌拾畝捌分肆釐叁

毫貳絲叁忽實徵銀壹千叁百捌拾伍兩柒錢玖分

叁釐柒毫肆絲玖忽伍微陸纖柒沙捌厘鹽鍋稅課

銀壹百壹兩貳錢陸分肆釐貳絲肆忽叁微貳纖魚

鹽課鈔銀貳兩柒錢肆分叁釐捌毫食鹽折價銀壹

百貳拾叁兩玖錢六項共銀玖千伍百柒拾柒兩叁

錢柒分陸釐陸毫叁絲貳忽玖微貳纖貳沙柒塵又

各州縣徵解民佃鹽課銀柒千壹百壹拾捌兩貳分  
壹釐柒毫肆絲柒忽柒微玖纖玖沙柒塵運使錢糧  
正雜止此九項引票額課出之於商其餘七項徵之  
於竈衙取以佐軍國之需濟民食之用是亦經國之  
要務也至於商課中又有紙硃價銀銅筋水脚河工  
協濟都輸公費鹽筋養廉等名均非正項錢糧故畧  
而不書

山東通志卷十三

欽定四庫全書

史部

山東通志卷十四

詳校官監察御史<sub>臣</sub>劉湄

檢討<sub>臣</sub>德生覆勘

總校官知縣<sub>臣</sub>繆琪

校對官中書<sub>臣</sub>王鍾泰

謄錄監生<sub>臣</sub>邵颿

欽定四庫全書

山東通志卷十四

學校志

國家崇重庠序恢儒右文內自

京師外至郡縣皆有學詩書禮樂光被八埏而多士

景從畢然惟鄒魯是望焉豈不以

聖域賢關尤深嚮往哉我

聖祖仁皇帝幸魯隆儀昭垂盛典我

皇上臨雍釋奠祇奉

先師廣牖生徒諄諄以文貴明經學期濟世為勉勵

錫封崇聖增祀隆賢修

廟葺林建設書院蓋將以尼防之教澤為寰宇之化原  
而東省泮宮近居尤甚則夫鼓鐘絃誦肅肅雍雍  
足以啓秀杏壇揚芬藻渚者豈四國所能頡頏也  
哉作學校志

廟制

按廟學崇祀配享以及歷朝封號贊頌俱詳  
闕里志茲不復列第詳廟制一二以示同文之

盛而凡創建修舉與官司人物  
各州縣互有不同故各志之

廟門 舊名戟門按宋太祖建隆年間詔用正一品  
禮立十六戟於文宣王之廟內徽宗大觀四年詔用  
王者制廟門增二十四戟此戟門之名所由昉也明  
嘉靖九年改戟門曰先師廟門至廟門之外又另設

櫺星門以著尊崇之義

按史記封禪書曰櫺星天四星也蒼龍左角為天田星主

穀王者以教養為職養先於教故以此名門又櫺字取疏通之義凡壇壝皆用之孔子以人鬼廟祀而亦曰櫺星門者是神明孔子與天地祇並重也



大成殿 按宋徽宗政和四年御書大成殿額頌孔

子廟 此殿名大成之始 自是郡縣學俱稱大成殿

明倫堂 按漢章帝元和二年帝詣闕里御講堂 此

之見於闕里者 魏晉以後凡建學之地皆有講堂元世祖至

元十三年雲南行省平章賽典赤始建明倫堂購貯

經史因下其式於諸路明洪武十五年詔頒卧碑置

明倫堂左 碑用石廣八尺高二尺七寸橫卧而刊其文凡八條

尊經閣 按元仁宗皇慶二年命建崇文閣於國子

監之左延祐二年常州路總教史堦即郡庠建尊經閣以儲書籍詔天下學校皆建閣

敬一亭 按明世宗嘉靖五年作敬一箴頒之太學遂詔郡邑學校皆行鐫石竝刊程子四箴范氏心箴作亭覆之因名

泮池 按朱子圖說曰以其半於辟雍故曰泮宮又曰諸侯之樂半於天子故魯頌有在泮之文今建學必有泮池者昉此

形制則一而所在之地或在門內或在門外各隨所宜

射圃 古者習射於澤宮夫子射於矍相之圃此各

學均置射圃之意明太祖洪武三年詔定學校射儀

今各學惟存故址爾

附載射儀 儀曰前期戒射定耦選職事充司正副司正司射

司射器請射舉爵收矢執旗樹鵠陳設訖至日執事者入就位請射者引主射正官及各官員子弟士民俊秀者各就位司射器者以弓矢置於各正官及司射前請射者詣正官前揖畢引詣司射器前受弓矢訖復位司正執筭入立於中後請射者詣主射前曰請誘射引司射二人耦進各以三矢措於腰帶之右以一天挾於二指間推年齒相讓年長者為上射年幼者為下射上射先詣射位向鵠正立發矢司正書中投筭置於中舉旗者如所射應之射畢退立於旁讓下射者詣位射訖請射者俱引復位收矢者收

夫復於射者司正取所中筭請射者次請士民俊秀射次請官員子弟射次請品卑至品高者射其就射位發矢執筭書中舉旗收矢復位俱如前儀既畢司正副司正各持筭白中於主射正官舉爵者爵酒授中者飲之中酌者三爵中采者二爵飲訖請射者請屬官以下仍捧弓矢納於司射器還詣主射正官前相揖而退 洪武二十五年定每月朔望習射於射圃樹鵠置射位初定三十步加至九十步其餘俱如儀

### 名宦鄉賢祠

按明太祖洪武四年詔天下學校各

建先賢祠左祀賢牧守令右祀鄉賢

此二祀建立附學之始但郡縣

制各不同或分祠或合祠或在廟堂之後或列廟門兩旁總之不離宮牆左近也從前置主入祠皆由各

省督撫學臣採訪為政雍正二年定例嗣後名宦鄉賢除故明以前不議外所有本朝應入二祠人員皆由題請經部議覆而後定其外賢良忠孝等祠另詳秩祀志 崇聖祠詳闕里志

學田 按宋仁宗天聖元年詔賜兗州學田已而旁

郡多立學賜之田如兗州

此朝廷賜額學田之始

寧宗嘉定中

趙崇本知崇安軍買開平寺廢田以充學廩

此有司立學田

之始元世祖至元二十九年詔學田所入春秋釋奠之

外以給諸生之無告者

此學田贍給貧生之始

仁宗延祐二年

會昌州判官楊景行勸民出田贍士

此義民捐助學田之始明

神宗萬歷六年詔天下學田不拘定額皆編入全書  
減其賦役不與民田等其歲入租息賑給貧生歲由

學政衙門報銷增減如例

今依現存田數  
附載各學後

社學 按元世祖至元二十八年令諸路各縣學內

設立小學選老成之士教之其他先儒過化之地名

賢經行之所與好義之家出錢粟贍學者竝立為書

院其師儒或名山長

近山嶽  
林麓者

或名學錄或名掌教竝

由行省及各路宣慰使等劄付之 明太祖洪武八

年詔立社學以教民間子弟十六年詔民間所立社學有司不得干預英宗正統元年令各處提學官及

司府州縣官嚴督社學不許廢弛

社學設之於官至民間義學則紳衿

富室隨地建設如宋建昌洪文撫於所居雷湖北創書舍集學者太宗間而嘉之飛白書義居二字以賜此即義學所由昉其後如莆田林國鈞有紅泉義學蘇州范仲淹於天平山建范氏義學東陽蔣沐有陽城義學新昌石待旦有萬春堂義學玉山劉允迪有劉氏義學朱文公嘗為之紀畧義學之設在宋為創舉而元明特設社學官為之區畫則民間俊秀已得社學為依歸而義學漸少至書院之制亦昉自石鼓岳麓白鹿睢陽厥後迨遍天下今社學義學各郡縣所在皆有而書院之在東省者如閩子伏生泰山性

善絃歌野齋康成東萊等皆後人踵事增華卽所謂  
先賢過化之地名儒經行之所美其名以仰景仰之  
情也夫樂善不倦教思無窮有其舉之何可  
廢也故與社學義學竝志之以觀其盛云

### 濟南府

濟南府儒學在府治西北宋熙寧間知府李恭建元  
至元年間濟南路副達魯噶齊喜壽增修學垣明成  
化間巡按御史梁澤復廣殿制拓兩廡建戟門櫺星  
門明倫堂齋舍又於堂後增建崇制閣環碧亭正德  
間知府章寓之建講堂天啓間知府樊時英於明倫



堂東北引水為池築飛躍亭

皇清順治十年巡撫都御史夏玉於梯雲溪上建橋曰

青雲建坊曰騰蛟起鳳康熙二十四年布政使黃元

驥重修入學貳拾名

定例文武童生入學名數俱同  
府學各二十名州縣學分大中

小三等大學各二十名中學各十五名小學各十二  
名故各州縣志入學名數則學之大中小可見矣聞  
有武額不及文額之數處又運學捌名

文武各八名  
附濟南府學

肄業學田貳頃柒拾肆畝陸分

書院

在西門內大街雍正  
十一年建詳公署

歷城縣儒學舊在縣治東隘巷規模狹小明成化間知縣賈宣遷於縣治東北購學前民舍闢而廣之廟祠堂廡以及門橋泮池之制皆備正德八年知府章寓之擴學前路通南衢立青雲坊嘉靖二年建射圃於崇聖祠後天啓二年知縣吳阿衡改敬一亭為尊經閣入學貳拾名學田貳頃玖拾叁畝肆分零社學五南門內外各一東西門共三義學在濟東道署西

閔子書院

在城東五里閔子墓前元天歷年建

至道書院

在大明湖上明學使鄒善建今改為學院公署

歷山書院

在趵突泉東明萬歷間巡鹽御史畢懋康為同年李攀龍建國朝康熙間布

政使張縉彥重修仍構白雪樓於精一堂後更名白雪書院康熙二十五年巡撫張鵬重修仍名歷

山書院

白鶴書院

在城北三里邑人周居岐建

章邱縣儒學在縣治西南宋嘉祐五年邑人工部員

外郎張仲宣建廟廡門堂皆備明洪武三年知縣柳

新重修嘉靖三年知縣呂經增建號舍五年知縣祝

文冕建敬一亭萬曆二十二年知縣董復亨鑿泮池  
皇清康熙二十四年知縣鍾運泰重修教諭訓導宅入  
學貳拾名學田貳頃捌拾畝陸分零社學在臨濟  
鎮

鄒平縣儒學在縣治東南舊學廟燬於火元至元七  
年縣尹蕭革以廟基旁公廨一所可為春秋釋奠及  
諸生弦誦之地乃增築殿宇廟門明正統六年知縣  
李昉重建明倫堂景泰六年知縣顧瑄增建尊經閣

正德九年知縣王瀛洲拓地建觀德亭萬歷十年知縣張書鑿泮池入學拾伍名學田肆拾貳畝柒分社學三一在縣西一在學前一在東關外

伏生書院

即墓祠  
旁講堂

范公書院

在縣西三十五里醴泉寺南  
明成化十六年知縣李興建

長白書院

在縣東十里  
知縣李興建

淄川縣儒學在縣治西南原係州學元至元二十九  
年總管伊喇特穆爾建至正六年總管康庸重新大

成殿裝畫聖像建兩廡及櫺星門明倫堂明洪武十二年改州為縣學因之景泰五年知縣楊名重修兩廡及明倫堂

皇清康熙四年教諭孫瑚重修大成殿兩廡入學拾伍名學田壹頃壹拾畝參分社學在縣治南明正德中知縣顧蘭改僧庵為之

長山縣儒學在縣治東南宋紹聖元年知縣翟大順建正殿講堂元至正二年縣尹安惟洪創兩廡櫺星

門明倫堂左右建齋房明嘉靖二十年知縣唐廷相  
重修創啓聖祠於廟東

皇清康熙四十六年知縣陳憲祖建樹塞門四十九年  
教諭顏光濬重修名宦鄉賢二祠入學拾伍名學田  
玖拾畝社學在縣治東南義學在西門外

新城縣儒學在縣治東南元初詔元帥張貴革臺為  
城因立縣治未建學廟至元二年貴施廟地一區縣  
尹楊溫即其地構殿塑像設兩廡大德十年縣尹張

亨以廟基狹隘遷今地建廟廡堂齋及門厨官署之  
屬皆備明洪武嘉靖間屢修天啟元年廟復頽廢邑  
人王象晉捐資重修

皇清康熙十九年知縣王崇道重建明倫堂二十七年  
知縣崔懋重建啟聖祠及聖廟門牆鄉賢名宦二祠  
俱加修葺入學拾伍名學田壹頃柒畝柒分社學在  
北門內義學在縣治東義學田肆拾肆畝

齊河縣儒學在縣治東元至元十三年縣尹高源建



後燬於兵明洪武三年知縣王得成重建成化弘治  
間屢修

皇清順治三年廟燬于火十三年知縣趙光普修建康  
熙六年訓導王業新修明倫堂廟前有千年古槐一  
株入學拾伍名學田貳頃捌拾壹畝社學在縣治北  
齊東縣儒學在縣治東縣本夾河鎮元初升鎮為縣  
舊有大成殿狹隘卑陋大德十三年監縣特默齊於  
城北隅得隙地參畝有奇建立學宮明成化正德間

屢修萬歷二十五年知縣白鯤建戟門櫺星門

皇清康熙二十三年知縣俞為霖增築垣墉彩繪棖栢  
立扁於龍門戟門而樹之以柏入學拾伍名學田玖  
拾畝社學在儒學東

濟陽縣儒學在縣治西南金天會中建縣未立學廟大  
定十四年邑人趙某獻地一區創建學宮殿廡堂齋俱  
備元至正間邑人郭英鑄祭器尊罍簋盞之屬皆備明  
正統四年知縣孫慶拓殿廡塑神像萬歷十一年知縣

李思維鑿泮池於櫺星門外二十六年知縣黃應魁以泮池窪下為積水所渚另鑿池於門內明季燬於兵皇清康熙五十八年知縣司徒珍重修大成殿兩廡置教諭宅於學東北四隅頭雍正二年知縣郎作霖重建明倫堂查北鄉寒字約入官地肆拾畝歲為社學師生膳修入學拾伍名學田壹頃伍拾畝義學在南門內社學在仁風迴河曲隄夏口四鎮

聞韶書院

在城北四十里曲隄鎮舊有聞韶臺高十丈廣方四十丈相傳夫子聞韶之地

明洪武中教諭王省建大成殿於其上奉先聖及顏仲二侍像祀焉

禹城縣儒學在縣治東元至元間建學前泮池廣數畝中建印心臺後改為樂采亭入學拾貳名學田捌拾叁畝零社學在各里

臨邑縣儒學在縣治東南宋崇寧初建入學拾貳名學田捌拾壹畝社學在各里

長清縣儒學在縣治東宋天禧二年建明弘治間知縣俞諫重修

皇清康熙十一年知縣岳之嶺改學門於東與奎樓相拱照入學拾貳名學田壹頃參拾肆畝

麗澤書院

在學宮射圃西明嘉靖間知縣張嘉會建

願學書院

在王遇嶺東明萬歷間副使鄒善建

陵 縣儒學在縣治東南舊在城外明弘治十六年知縣馬珩徙今所入學拾貳名學田柒拾貳畝社學在東門內

德 州儒學在州治北舊在州治西南元至元三十

一年知州秦正建明洪武間知州閻九成遷今地正  
統景泰間屢修

皇清康熙十二年知州金祖彭州人翰林侍讀蕭惟豫  
知縣李源等重修雍正二年知州陳留武復修入學  
貳拾名學田陸頃捌畝零

董子書院

在儒學東舊廢明正統間知州韋景元  
掘地得董子讀書臺石刻詢其故址復

馬弘治十二年巡撫熊紳鼎新之萬歷四十三年知  
州馬明瑞改建於衛河東許易其名曰醇儒書院

德平縣儒學在縣治南宋熙寧間知縣崔益建尋省

縣為鎮入安德而學廢元至元間縣尹閻士安重建明  
洪武成化間屢修隆慶三年知縣彭時中增廓殿廡鑿  
泮池六年知縣袁弘德於城之南隅建聚奎樓七年知  
縣程沂復建一樓於城之北隅與南樓相對入學拾貳  
名學田壹頃壹拾陸畝參分零社學在縣治西新街左  
平原縣儒學在縣治南宋明道中建入學拾伍名學  
田壹頃貳拾畝社學在縣治東

閑道書院

在東門外一里明萬  
厯時知縣鄭金建

兗州府

兗州府儒學在府治北舊在府治東南唐兗海觀察使劉莒創建屢經更置皆為州學明洪武十八年封建魯藩因陞州為府始徙置今所殿廡門堂視舊加廓成化二十三年知府趙蘭重修增製祭器正德十年知府童旭闢戟門西隙地建名宦鄉賢祠舊泮池原在櫺星門內萬曆二十六年魯王改建於神路上出百步外三十八年知府吳汝顯以泮池去學宮太



遠復遷池於舊址增設樂器

皇清康熙二十三年知府張鵬翮大為修建入學貳拾  
名

滋陽縣儒學在縣治東元時為克國復聖公廟址後  
燬於兵明洪武初克州同知徐良仁重建十八年始  
設滋陽縣知縣徐中讓乃即其地為學正德十一年  
知府童旭恢拓基址遷復聖廟居中堂廡齋舍各以  
次興建時滋庠專祀顏子以克國為封地故也萬歷

三十八年知府吳汝顯以天下學宮皆祀孔子而滋  
獨祀顏子於義不安乃建尊經閣於後即閣下建殿  
迎復聖入祀改前復聖殿為大成殿以奉先師左右  
列兩廡學制一如他邑

皇清順治九年知縣宋文運塑先師及四配十哲像入

學貳拾名學田肆頃貳拾柒畝捌分社學俱在各社

顏子書院

在縣東南八里唐開元間加封兗國  
公立祠於此後廟移郡城改為書院

章賢書院

在府治東明嘉靖八  
年知府劉夢詩建

文在書院

在少陵臺下康熙二十二年知府張鵬翮改建

曲阜縣儒學在闕里西舊在曲阜故城內明正德九年知府童旭改建於宣聖廟東嘉靖五年督漕侍郎章拯復徙於廟西翼相圃故址其制有學無廟以統於闕里也堂齋宅舍泮池射圃與他邑同入學拾貳名學田捌頃柒拾柒畝玖分零

四氏學在縣學後

按察司行署東

初名孔氏家學在廟西側

魏黃初二年宗聖侯孔羨為屋以居孔氏學者宋元

祐間入顏孟二氏子孫其名仍舊明洪武二年乃改  
為三氏學設教授一員正統九年衍聖公孔顏縉奏  
准三氏生員許應山東鄉試成化元年衍聖公孔弘  
緒奏准給三氏學印萬歷十年知縣孔弘復改遷今  
地十五年巡撫李戴奏增曾氏子孫改為四氏學其  
制有學無廟餘皆與縣學同萬歷四十二年遷於聖  
廟西華門外即今所也入學貳拾名詳闕里

洙泗書院

在縣東北八里即孔子講道  
處元至正十年建詳闕里

尼山書院

在縣東南六十里尼山之  
上宋慶歷間建詳闕里

寧陽縣儒學在今縣治東北舊為縣治元大德間遷  
縣治以其地為學明宣德弘治萬歷間相繼增修

皇清康熙七年地震大成殿圯十年知縣劉興漢重建  
竝修戟門泮池櫺星門及兩齋入學拾伍名學田壹  
拾陸頃陸畝

鄒縣儒學在縣治西舊在縣治南元至正元年縣  
尹司居敬徙建今地明宣德間知縣房岳拓地改建

大成殿嘉靖四十五年知縣章時鸞增建射圃及教諭訓導宅舊泮池在櫺星門外萬歷九年知縣許守恩改鑿於櫺星門內

皇清康熙三十三年知縣韓峯起修大成殿兩廡復改泮池於櫺星門外五十四年知縣婁一均重修明倫堂入學拾伍名學田貳頃玖拾伍畝肆分零社學四關各一餘在各社義學在城西門內

中庸書院

在縣城東南隅相傳子思孟子傳道之所又云即三遷處元至正間知縣司居

敬創建祀邦國公及孟母宣獻夫人  
西有斷機堂曝書臺又名子思書院

泗水縣儒學在縣治東南舊在城外東南一里宋元  
豐間知縣韓祇勤建元季燬明洪武八年知縣潘從  
善移建城內今地成化嘉靖後相繼增修

皇清順治四年知縣王明輔重修殿廡及明倫堂入學  
樹名學田壹頃捌拾壹畝社學在各里

滕縣儒學在縣治西宋大觀間建金改為州學元  
至正間知州陳謚增設學田後廟燬於兵明洪武二

年知州薛原義復建旋降州為縣景泰成化後相繼增修天啟三年兗州府同知李自蕃始開神道鑿泮

池入學貳拾名社學在東門外

性善書院

在學宮東元延祐元年御史任居敬改建請於朝賜額性善後燬於兵明弘治

十年知縣馬文盛重建二祠前祀亞聖孟子以樂正子萬章配後祀滕文公以然友畢戰配

嶧縣儒學在縣東門外宋永縣令張鑑創建金改

為州學元達魯噶齊托羅該暨嶧州知州安仲節相繼修明洪武二年改州為縣嘉靖十年知縣李孔曦



以舊址湫隘拓地增修盡撤其舊而新之隆慶間知縣王瑛復易民居廣學西北隅闢廟前為神道改築敬一亭於明倫堂後天啓二年殿廡俱燬於火兗州知府孫朝肅依故址復建入學拾貳名學田貳拾貳畝貳分

金鄉縣儒學在縣治東唐開元時在縣治西宋紹興中徙建北門內金大定九年知縣聶天祐以學宮卑隘再遷於今地明萬歷六年知縣楊楫重修明倫堂

東西兩廡新鑿泮池於戟門外易櫺星門柱以石環垣栽樹百餘株

皇清康熙五年邑人張士表重修啓聖祠入學拾貳名學田肆頃捌拾肆畝叁分零義學二一在儒學門東一在啟聖祠

魚臺縣儒學在縣治西北元季燬於兵明洪武二年知縣謝榮祖重建嘉靖九年河決傾圮十七年教諭宋希文重建廟廡四十二年縣丞張仕大為修建規

制乃備

皇清康熙三十年知縣馬得徵重修兩廡及名宦鄉賢  
祠入學貳拾名學田貳頃伍拾畝義學在城西北隅  
濟寧州儒學在州治東北元至元間建明洪武正統  
間相濟重修

皇清康熙十七年總河靳輔清學宮舊基大成殿戟門  
櫺星門悉撤而新之其啟聖祠明倫堂及名宦鄉賢  
祠則因舊重修入學貳拾名學田貳頃玖拾陸畝捌

分零社學三一在儒學後一在草橋東一在工部分  
司東

正學書院

在州治南明嘉靖  
間主事楊撫建

嘉祥縣儒學在縣治南金皇統間隨縣建於山口鎮  
後瀕河水圮邑人翟三俊倡建於獨坐山右又圮大  
定間知縣竇迪遷於萌山之陽金末又燬於兵元至  
元三年縣尹劉榮祖始遷今地後復圮明洪武三年  
知縣劉敬復建天順八年知縣張慶鼎建明倫堂東

西齋房嘉靖三十四年知縣周儒仍遷故址

皇清順治八年知縣張泰升重建明倫堂十一年教諭侯大武復修啟聖祠入學拾貳名學田壹頃貳拾柒畝伍分社學每社各一所

汶上縣儒學在縣治東唐長慶四年知縣邢審容建明萬歷二年知縣張惟誠盡撤其舊而新之

皇清康熙五十一年教諭叢徵五十五年知縣聞元臬相繼增修入學拾伍名學田壹頃柒拾玖畝社學在

城二區東西兩關各一餘俱在各社

聖澤書院

舊在縣城西南二十五里開河之東故名講堂建於後魏孝昌年間相傳孔子

宰中都與羣弟子講道之所有二碑一唐吳道子畫宣聖克公小像徐浩題其額一唐顏魯公真卿撰夫子廟堂記宋元祐四年都水少監馬之貞於前建大成殿中肅聖容旁列十哲堂室門廡俱備明嘉靖二年知縣吳瀛移建城中萬歷元年知縣張惟誠改名復古書院

陽穀縣儒學在縣治西宋崇寧四年知縣蔡蕃建後燬於兵元至元十二年典史解中淵重建明正統間知縣楊茂重修殿廡戟門櫺星門明倫堂東西齋繪

飾聖賢像增設祭器成化十年知縣劉洪增拓故址  
盡撤其舊而新之

皇清康熙十一年知縣王天壁重修堂齋及敬一亭五  
十五年知縣王時來復修明倫堂入學拾伍名學田  
捌拾玖畝叁分零

壽張縣儒學在縣治東舊縣治在梁山之東明洪武  
十四年以水患遷今地知縣譚道新隨建學於此正  
統間知縣李徵如以舊址甚隘復闢而廣之入學拾

貳名

東昌府

東昌府儒學在府治東宋元豐間博州知州徐爽建  
後改為聊城縣署金天眷間學正祁彪即舊都監廨  
址建學宮元至正間兵燬明洪武二年同知魏忠建  
大成殿天順間知府徐垠增建兩廡戟門名宦鄉賢  
二祠泮池櫺星門成化間知府李舉建奎光樓置書  
籍萬歷間知府李士登建明倫堂竝四齋入學貳拾



名學田陸拾叁畝貳分零

聊城縣儒學在縣治東北舊在東關鐵塔寺旁明永樂初知縣齊博徙南門外正統間知府郁文盛更徙東門外成化間知府沈諲知縣毛深復徙於城內布政分司東首即今所凡三徙而後定建明倫堂敬一亭名宦鄉賢二祠獨大成殿未建以附郭統於府學皇清康熙五十一年知府程鯤化增建殿廡規制悉備入學貳拾名學田柒拾叁畝壹分社學在各里

東林書院

在縣東明叅政耿明建

堂邑縣儒學在縣治東北隅舊在西南隅金大定間太子洗馬趙松石徙今所前後古柏四十株皆千餘年物也入學拾伍名學田貳頃貳拾柒畝義學在儒學西南

博平縣儒學在縣東北舊在縣治東宋時建金末燬元至元間重建元末復燬明洪武初知縣練宗政重建成化初知縣祝文華徙於縣東南隅未幾知縣文

林以其地卑濕相地得布政分司舊址復徙建焉即  
今所也入學拾貳名學田貳頃柒拾伍畝零義學在  
縣西街

荏平縣儒學在縣治東南宋時在縣治南金正隆間  
知縣孟醇徙縣治西北承安間縣丞翟煥然以其地  
湫隘徙於東南即今所元初縣尹張榮重建大殿兩  
廡至元二十二年縣尹姜居正建講堂三十一年縣  
尹侯永祚達魯噶齊瑪固備祭器兼儲書五千卷明

景泰元年教諭朱信移學門南向入學拾伍名學田  
叁拾陸畝社學在各里

莘縣儒學在縣治東北元季兵燬明洪武三年知  
縣汪惟善徙今所成化十七年知縣賈克中修大成  
殿明倫堂弘治元年知縣顧巖置教諭住宅十二年  
知縣孟隆以舊殿狹隘改建而恢拓之正德四年知  
縣諸忠建文昌祠置訓導住宅入學拾貳名學田伍  
拾畝社學在縣治東北大成街

先覺書院

在儒學西以祀伊尹知縣劉蕭建

清平縣儒學在縣治東北金大定十三年建明嘉靖十八年知縣周臣以琉璃瓦新之萬歷十年知縣郭廷訓建奎樓一座學中有金大定時古柏五株大數十圍入學拾貳名學田貳頃柒畝社學在各地

冠縣儒學在縣治東金貞元間建元至元七年陞為州學知州趙文輝重修明復為縣萬歷間知縣談自省於學之巽方建奎樓高數十尺入學拾貳名學

田貳頃伍拾伍畝陸分社學在各里

崇文書院

在縣南崇文鄉因冉子寓此後人建書院祀之

臨清州儒學在州治東南舊在州治西元季兵燬明正統間平江侯陳豫徙今所後弘治間陞為州學副使陳壁知州馮傑重修入學拾伍名學田貳拾叁頃零社學在州治西

清源書院

在州城西南明嘉靖十一年副使齊之鸞改鎮守府為之

館陶縣儒學在縣治東南金皇統中知縣孔淵建後

圯於水明洪武初縣丞歐陽源重建又圯於水永樂間知縣邳宣復建正德間知縣孟正也以其面城開城一門名文明門門外立萬仞宮牆坊

皇清順治十二年教諭閻應震重建大殿康熙三年知縣王躬贊建奎樓於東南城上與學宮遙映入學拾伍名學田貳頃伍拾貳畝伍分零社學在府館東

陶山書院

在城隍廟東明  
正統七年建

邱縣儒學在縣治東南元大德間達魯噶齊按達

拉縣尹王琦建

皇清康熙四年知縣張挺徙奎文閣於城東南隅二十  
八年知縣徐德武復徙於學宮內舊地入學拾貳名  
學田貳頃肆拾參畝零社學一在舊府館前一在縣  
治南餘在故里義學一在縣前一在城東門內

恩 縣儒學在縣治東南明洪武七年移城新建嘉  
靖中知縣趙可旦開拓其制後殿址移西丈餘學路  
拓而南者數十尺入學拾伍名學田壹頃社學一在



西門一在迎熏門餘在各里

會齋書院

在恩縣故城元張汝卿讀書處

青蓮書院

在縣治西南隅大沼中上有小洲明萬曆四十五年知縣周淳建為書院植柳

種蓮駕橋其南名曰步瀛

近聖書院

在儒學西南雍正元年知縣陳學海建

高唐州儒學在州治西元至元二十四年知州鄭德隣建內有宋大觀八行碑

皇清康熙十年邑人總督朱昌祚重修入學貳拾名學

田參頃陸拾肆畝零社學在州治東義學一在州南街一在東門外

夏津縣儒學在縣治東南金大定間建元季燬於兵明洪武初縣丞陳榮重建天順五年知縣薛正廣學後地數十畝

皇清康熙二十九年教諭牛嵩大擴前制撤舊重修入學拾貳名學田壹頃社學一在城隍廟東一在城西北范家莊一在城北七里屯

武城縣儒學在縣治東南宋大觀年建元季燬於兵  
明永樂二年知縣奚瑛重建後圯於水天順間知縣  
伍善重修萬歷四十五年教諭高凱創鑿泮池左右  
植桃李又建奎樓於東南入學拾伍名學田玖拾畝  
柒分零義學在縣治東社學在各里

學道書院

在縣治南舊有絃歌書院金大定間建  
本在城西四十里以邑名同子游為宰

處故建祠以祀之明隆慶元年知縣金守  
諒移今所改以學道且為記以正其誤

青州府

青州府儒學在府治東舊在府治西北明洪武五年知府李仁遷於今地弘治十四年知府杜源建號舍於廟之西南嘉靖四十三年知府杜思重建啟聖祠萬歷三十年知府趙喬年盡撤其舊而新之

皇清康熙五十四五十八等年知府陶錦重修入學貳拾名

益都縣儒學在府治東舊在城內西南明洪武十年知縣黃正德遷今地萬歷三十三年知縣鄭繼芳建

奎樓於大成坊之左

皇清康熙七年地震傾圮十年分巡青州道鄭牧民大為修建五十六年知府陶錦重修奎樓及敬一亭建雲路坊入學拾伍名武學拾貳名學田壹頃陸拾肆畝零義學在縣治南

松林書院

在府城西南隅明成化間知府李昂建祀宋青州守寇范諸賢

崇義書院

在府治西左講堂右射圃明正德九年僉事牛鸞建

白龍洞書院

在縣西五十里邑人曹凱建

臨淄縣儒學舊在縣治東南元至元間達魯噶齊實  
訥建明嘉靖四十一年知縣龍垓遷於縣治東北萬  
歷年間知縣李長春又遷於縣治前為今學宮

皇清順治三年知縣毛永齡增修門池堂舍規制悉備  
入學拾伍名學田玖拾畝義學在學西北社學在各  
里

博興縣儒學在縣治東南宋崇寧初建元至元間監  
州和爾齊置東西序後燬於兵明洪武初知縣王暹

重建殿廡堂齋以及戟門櫺星門射圃教諭訓導宅  
嘉靖間知縣張集易民地增建鄉賢祠

皇清康熙二十五年訓導錢大受重修大成殿廟東為  
城之水門於門上建樓顏曰迎秀入學拾貳名社學  
在各里

高苑縣儒學在縣治東宋至和三年知縣李允中建  
元季燬明洪武初知縣孔忠重建殿廡堂齋以及門  
池署舍之制皆備時學宮巽方向屬隙地萬歷中邑

人張修吉捐建傑閣為文峯

皇清康熙二十一年知縣朱翰春重修學宮內外入學  
拾貳名學田伍拾貳畝伍分零義學在城東北隅社  
學在各里

高節書院

在縣西三里即  
魯仲連祠墓也

樂安縣儒學在縣治東南宋崇寧元年知縣黃鐸建  
金末燬於兵元至元十三年縣尹綦泰重建明萬歷  
十三年知縣孟楠以學宮地勢左窪乃於東南隅築



臺構亭其上巍若龍首

皇清康熙年間知縣鮑鳳仍重修雍正八年知縣李方  
膺增建禮門義路二坊於明倫堂之前東西出入處  
又高築四圍垣牆建文昌閣於巽隅入學拾貳名學  
田陸頃社學城內外各一

明誠書院

在縣西一里元  
邑人程鵬建

壽光縣儒學在縣治東宋靖康間燬元至元十年知  
縣陳惟良重建入學貳拾名學田叁頃壹拾伍畝叁

分

昌樂縣儒學在縣治西南舊在城東北元至元中省縣入北海學廢明洪武初復置縣密州同知李益改建今所入學拾伍名學田肆拾畝義學在文廟西

臨朐縣儒學在縣治西舊在縣治西南宋紹聖五年知縣李敬遷今地明洪武二十五年知縣李瑀復加增拓

皇清順治三年知縣童本胡重建明倫堂入學拾貳名

學田貳頃壹拾畝社學三一在文曲巷南一在縣西南二十五里五井集一在縣南二十五里冶源集

李靖書院

在縣治西南相傳靖徵時讀書處

胸山書院

在縣治南嘉靖十一年知縣褚寶建列養正景賢二齋

安邱縣儒學在縣治東金季燬於兵時學宮地多為民侵占元至元八年有老生梁安仁呈所繪故廟圖乃復旁諸侵地二十八年縣尹梁世英重建大殿三十一年縣尹董士良建兩廡戟門明洪武二年縣丞

鄭原澤築堂齋於殿東隙地景泰五年教諭許倫復  
正官民地址移講堂於殿後嘉靖十三年知縣宋儒  
於學門外買民地開甬道直抵南城以為神路

皇清康熙七年地震傾圮知縣王懋建重修入學貳拾  
名學田伍拾畝社學五一在城隍廟東餘分在四關

公冶書院

在縣西南八十里即  
先賢公冶長故里

諸城縣儒學在縣治東南金貞元間副樞密張暉建  
明嘉靖間知縣鄭坤拓東南隅大為修葺萬歷間知

縣王之臣鑿石建櫺星門明倫堂前有一太湖石高一丈許玲瓏奇麗背隸刻禹功傳道明叔子瞻遊九字相傳宋蘇軾守密州時所立之石也入學貳拾名學田壹頃貳拾畝

滄浪書院

在縣治西成化十一年知縣閻鼎建

東武書院

在縣治南嘉靖二十七年知縣祝天保建

博山縣儒學在縣治南宋時建舊為顏神鎮元設山長以主守之明嘉靖間通判羅賢增修鎮學止有殿

宇而堂廡未備春秋祭祀通判率諸生行禮

皇清雍正十二年改鎮為縣即為縣學增建兩廡及明倫堂崇聖名宦鄉賢等祠入學擗名原義學在北街社學在各里

安東衛儒學在衛治西明成化中建入學擗名

登州府

登州府儒學在府治南宋大觀間建有大成殿明倫堂明天順三年知府韓敏清學宮舊址建齋廡增祭

器粧塑聖賢像創戟門櫺星泮池又於廟前買民地  
以通神道嘉靖十年知府趙祐建啟聖祠及敬一亭  
萬曆三十九年知府黃體仁增建尊經閣

皇清順治十五年知府李經國重修入學貳拾名

蓬萊縣儒學舊在府治西明洪武九年知縣張謙徙  
於縣治北正德五年圯於水知府房瑄遷置府學東  
嘉靖九年巡按御史熊榮以地甚狹隘乃遷於春生  
門因舊普照寺為學宮萬曆十九年知縣董守緒復

遷於治北舊址時左右衛有廢圃各一區悉捐入以  
增拓之建廟廡堂齋戟門櫺星門及教諭訓導宅三  
十五年知縣邢琦開泮池建尊經閣

皇清順治十年知縣張延基增建啟聖祠入學貳拾名  
學田拾壹頃肆拾玖畝叁分社學二俱在西關外

道東書院

在察院東

資政書院

在府堂後

蓬萊書院

在府治北



黃縣儒學在縣治東北元大德三年縣尹王英建  
明正統中知府楊鐸增建兩廡萬歷二十二年知縣  
張彙選建啟聖祠尊經閣修殿廡及戟門櫺星門鄉  
賢名宦祠

皇清順治十二年知縣崔萬仭復修聖殿時啟聖祠傾  
圮無存邑人范復粹重建康熙二年聖殿燬於火知  
縣王作重建十二年知縣李蕃重修戟門及尊經閣  
入學拾貳名學田柒頃叁拾伍畝叁分零社學在縣

治西北

河濱書院

在黃水河西明嘉靖間知縣賈璋改慧燈菴增置號舍

福山縣儒學在縣治東南金天會年間置縣時創建  
明洪武初知縣王諒增厨庫堂齋天順間知縣段堅  
盡撤舊址而重新之規模弘厥時門西地猶隘千戶  
王鈺捐地一區乃建櫺星門於外

皇清康熙七年知縣張大本復修殿廡入學拾貳名學  
田捌拾叁畝捌分社學在各社

棲霞縣儒學在縣治東金大安元年知縣李景道建  
後燬於兵明洪武三年主簿牟敬祖重建

皇清順治九年知縣金國儒重修明倫堂入學拾伍名  
學田壹頃貳拾畝社學七一在縣北門內一在天齊  
廟一在桃村一在蛇窩泊一在臧家莊一在寨里一  
在趙家莊

招遠縣儒學在縣治西南金季燬元至正中知縣王  
信邳紹忠相繼修明洪武初知縣丁廷舉重建大成

殿兩廡明倫堂齋房入學拾貳名學田肆拾叁畝柒分義學在縣治西

萊陽縣儒學在縣治東南舊在縣治西南傾圮無存元至元四年教諭王擇善於古柳亭隙地建大成殿即今地大德十年縣尹程珪建講堂齋房明成化四年署縣事程禮市學旁隙地增置號舍饌堂嘉靖三十四年知縣牛山木悉為更新規制大備

皇清順治十八年知縣鄒知新重修敬一亭泮池大成

門儒學門康熙三十年及三十六年四十年知縣趙光榮三次修葺入學貳拾名學田叁頃伍拾壹畝貳分零義學在儒學前

寧海州儒學在州治東金皇統間建明嘉靖間巡海道李易重修增購學基時南隣指揮李若璿又捐家園一區以廣雲路

皇清順治間知州王之儀重建啓聖祠及東西兩廡康熙七年學正蔣士萃重建明倫堂十一年又建鄉賢

名宦祠入學拾伍名學田貳頃肆拾貳畝玖分零社  
學在東西南三關

文登縣儒學在縣治東舊在縣治東南宋靖康間燬  
於兵金大定九年知縣李大成遷建今地明嘉靖間  
知縣辛三畏鑿泮池豎櫺星門建鄉賢名宦祠萬歷  
間知縣李需光闢雲路建坊直達南城

皇清康熙五十四年知縣張文炳重修明倫堂雍正二  
年知縣王一夔重修啟聖祠及內外牆垣入學拾伍

名學田貳頃陸拾伍畝又撥入肆畝玖分社學五一  
在西門內隅頭餘在四鄉各一又奉文衛學祠宇改  
作義學在靖海司

長學書院

在縣西五十里相傳  
漢鄭康成設教處

海陽縣儒學在縣治東原係大嵩衛學明永樂年建  
舊附萊陽縣另設教授一員主行學事

皇清雍正十三年改衛為縣因舊學增修為縣學設教  
諭一員不設訓導入學拾陸名因歸併靖海一衛生

童在海陽新縣考試故仍照衛額每衛八名之數而靖海原衛之耜田改為學田鄉賢名宦等祠改為義學統歸文登縣

榮成縣儒學在縣治東原係成山衛學明宣德二年建萬歷間修舊附文登縣另設教授一員主行學事皇清雍正十三年改衛為縣因舊學增修為縣學設教諭一員不設訓導入學拾陸名因歸併威海一衛生童在榮成新縣考試故仍照衛額每衛八名之數又



撥威海衛原額耕田為學田共玖畝捌分

萊州府

萊州府儒學在府治東南宋明道間建明天順元年  
知府熊瓚開拓之成化三年知府張諫增修改建學  
門於廟東南萬歷三十六年知府陳亮采建尊經閣  
入學貳拾名學田伍頃陸畝叁分零與掖縣學公置  
掖縣儒學在縣治西南舊在城南明成化三年圮  
於河知縣郭昂遷今所入學貳拾名學田與府學公

置詳府學社學在各县

東萊書院

在府學東舊在府治西南明正德間遷今所祀宋儒呂祖謙

韓信書院

在府城東四十里聖水頭周圍山勢峻拔有丹霞壁三字相傳即韓信手書又

有試劍石

平度州儒學在州治東北元元統間建明洪武十六年知縣王奉先修後陞為州學崇禎十三年知州杜志攀移泮池於櫺星門內入學拾貳名學田伍頃陸拾畝玖分零社學有四東門外二所西門外二所

狀元書院

在州學東明正德十五年  
知州劉景為宋蔡齊建

太泉書院

在州北三里泉名蓮花池拔一州  
之勝書院在池之南邑人官賢建

兩山書院

在州東北八里兩醫  
山前邑人李慧建

灘縣儒學在縣治東南元延祐間達嚕嚕齊和爾

齊建明洪武三年知州周通修原係州學後改為縣  
學入學拾伍名學田拾貳頃捌拾貳畝玖分零社學  
在各地義學在城內

麓臺書院

在縣西南二十里相傳漢公孫  
弘讀書處明尚書劉應節建

昌邑縣儒學在縣治東金時建後燬明縣丞程福山  
重建入學拾貳名學田壹頃拾陸畝社學一在縣治  
東南餘在各里

四知書院

在縣南門外本漢楊震  
祠明副使王良臣改建

養志書院

在縣西二里西巖山前明隆慶二  
年學道鄒善建即漢逢萌故祠也

膠州儒學在州治東南金承安間建元末燬於兵  
明洪武初知州趙禮重建弘治間知州曹嵩因規制  
狹小又以材料曲直相雜非所以崇庠序乃市巨木

於江淮間撤而重新之巍煥改觀嘉靖二十五年知州楊中啟又盡復民間所侵學地改學門由右

皇清康熙四十八年知州龔大良又開拓其垣牖餘地表四隅址界以石原額入學貳拾名雍正十三年裁併靈山衛生童附州應試照增衛額捌名共貳拾捌名學田拾陸頃柒拾畝玖分零又增靈山衛藉田改作學田肆畝玖分義學在城內東西南北各一社學在各里

高密縣儒學在縣治東南元至元間縣尹秦裕伯建  
明弘治間知縣劉鳳儀新闢育賢街於學東

皇清康熙二十五年邑人任玘重修入學拾伍名學田  
陸頃拾畝社學城內東西南北各一所餘在各地義  
學在縣東北隅

即墨縣儒學在縣治東元至元間建明嘉靖四十三  
年知縣楊明善闢學前雲路抵南城原額入學拾伍  
名

皇清雍正十三年裁併鰲山衛生童附縣考試照增衛額捌名共貳拾叁名學田壹頃陸拾捌畝玖分零又增鰲山衛耜田改作學田肆畝玖分義學在縣治東南社學在各地

鄭公書院

在縣東南二十里不其山下漢鄭康成讀書處原有祠廟明正德七年知縣高

允中  
重修

武定府

武定府儒學在府治東南本武定州學宋祥符間建

金元代有修舉至明嘉靖十年御史熊案以學後地勢窪下每為衆水所潴乃築土為堤長四丈闊半之因名御史堤

皇清雍正十二年陞州為府因改為府學與新設之附郭惠民縣祭祀肄業共之原額入學貳拾名今遵府學定例仍舊額原學田貳頃柒拾畝

惠民縣儒學暫同府學肄業入學拾伍名社學一在西門內餘俱在各里



青城縣儒學在縣治東元至元間縣尹萬居中建明  
景泰間圯於水天順元年知縣張顯重修萬歷四年  
知縣李繼英以啟聖祠在庠門東逼近廛市乃移於  
敬一亭東又於青雲坊前買民基闢雲路建坊鑿池  
三十三年知縣張養正重修入學拾貳名社學在縣  
治西南餘俱在各地

陽信縣儒學在縣治南元時建明嘉靖十年知縣徐  
有臯重修改建學門於東方入學拾伍名學田壹頃

捌畝社學在城隍廟西餘俱在各里

海豐縣儒學在縣治東元時建後燬明洪武三年重建入學拾伍名學田叁頃玖拾畝社學在府館旁

樂陵縣儒學在縣治西北明洪武二年始建萬歷五年邑人史邦直徙於城外十五年知縣趙永祿復移於城中即今所入學拾伍名學田柒拾肆畝玖分社學在各里  
商河縣儒學在縣治東元至元四年建明洪武天順間相繼增修成化十年知縣才寬拓地建明倫堂嘉

靖二十八年知縣潘德元改櫺星門於外鑿泮池闢  
雲路崇禎末年燬於兵

皇清康熙六年邑人王永熙倡捐重修入學拾伍名學  
田柒頃貳畝社學在縣治南

濱州儒學在州治東南元至元間達魯噶齊奉訓  
特哩同知州范著建明天順間知州何淡增拓基址  
嘉靖十六年知州彭景建文鳴臺於學宮巽方構樓  
置浮來古鐘於其內入學貳拾名學田叁頃肆拾捌

畝零社學在州治東北

利津縣儒學在縣治東北元至元間縣尹高謙亨建  
入學拾伍名學田叁拾肆畝零社學在縣治南餘俱  
在各里

霑化縣儒學在縣治東南明洪武初知縣李子文建  
入學拾伍名學田玖拾伍畝社學在縣治東南餘俱  
在各里

蒲臺縣儒學在縣治東北元大德六年建明成化十

五年知縣劉瓚改建規制擴新入學拾貳名學田壹頃義學在儒學南社學在縣治西餘俱在各里

沂州府

沂州府儒學在府治東南本沂州學金皇統間知州高名徙建於城西北貞祐間節度使胡義復徙於舊址皇清雍正十二年陞州為府因改為府學與新設之附郭蘭山縣肄業祭祀共之原額入學貳拾名今照府學定例仍舊額原學田肆頃貳拾畝

蘭山縣儒學暫同府學肄業入學拾伍名義學在祐  
德宮之左社學在東西二關廂內

荀子書院

在縣西一百四十里神峯  
山南祀戰國蘭陵令荀卿

魯公書院

在縣西北五十里朱  
滿村唐顏真卿故居

郟城縣儒學在縣治北舊在縣西關外元末燬於兵  
明洪武初徙建城內西北

皇清康熙九年知縣馮可參復徙於今所入學拾貳名  
義學一在城南一在城北社學在各地

一貫書院

舊在縣西磨山下即曾子讀書處名琴聲書院明成化間移建縣北門內

費縣儒學在縣南門外金皇統間建入學拾貳名

學田貳拾捌畝零社學在各里

思聖書院

在縣西九十里東陽村元至正間隱士王謙建

莒州儒學在州治東宋熙寧間建金末燬於兵元

至元間知州孔源重建明嘉靖三十六年知州馮蘭

重修入學拾伍名學田壹頃柒拾伍畝社學在州治

東南

文學書院

在州治西南以祀卜子夏明  
弘治六年副使趙鶴齡建

蒙陰縣儒學在縣西門外元延祐間建入學拾貳名

學田拾伍頃社學在東門內

北麓書院

在縣東北三十里元  
張子塾隱居教授處

沂水縣儒學在縣東門外東阜山之麓舊在縣治東

元大歷間建明洪武十六年知縣陳廷遠徙建今所

入學拾貳名學田壹頃肆拾貳畝零社學在縣治東

北



閔子書院

在縣西北八十里閔公山下祀先賢閔子騫明正德八年知縣江淵建

沂水書院

明副使楊光溥讀書處

日照縣儒學在縣城外河東舊在縣治西南為日照鎮學後陞為縣學元至正間修明嘉靖三十六年知縣張執中徙建今所入學拾伍名學田陸拾叁頃拾陸畝零社學在縣治南義學在縣治西北

狀元書院

在縣南十五里金狀元張行簡所建見金史

泰安府

泰安府儒學在府治東本泰安州學宋開寶間建明  
成化十五年學正任式移學路於廟東二十二年知  
州胡宣開拓其制隆慶六年知州楊山築山於學後  
建屏於學前

皇清雍正十三年陞州為府因改為府學與新設之附  
郭泰安縣祭祀肄業共之入學貳拾名原學田玖拾  
畝

泰安縣儒學暫同府學肄業入學貳拾名武學拾伍

名社學在府治東南

泰山書院

在府城北五里宋孫明復講學處明弘治年建

肥城縣儒學在縣治東元至元十二年縣尹趙珪建  
二十八年縣尹張綱重修殿廡增設祭器明倫堂匾  
曰君子蓋取樂正子春所謂肥有君子之義也明洪  
武正統成化嘉靖等年相繼增修

皇清康熙八年知縣尹任重修入學拾貳名社學在縣  
治西餘俱在各里

大成書院

在縣南三十里舊為曬書城相傳孔子經遊處明嘉靖二十年知縣劉贊建大

成殿因號大成書院

牛山書院

在縣西八里元狀元張起巖讀書處

新泰縣儒學在縣治東南元至元間建明天順弘治萬歷間相繼重修入學拾貳名學田叁頃陸拾貳畝零社學一在縣治東一在城外西南義學在縣東

萊蕪縣儒學在縣治東宋崇寧中建明隆慶六年知縣傅國壁更置雲路與城南門相映

皇清康熙六年知縣鍾國義重修入學貳拾名學田壹  
頃參拾貳畝社學在各里

正率書院

在縣城西康熙十二年知縣葉方恒建

東平州儒學在州治東北宋景祐間沂國公王曾創  
建於城內西南元皇慶中總管嚴忠濟以學基狹隘  
改建今地規模闕敞漢宋碑碣皆移置其中至正間  
知州劉修德復加修葺明正統間知州傅霖增建辨  
志堂於殿後嘉靖間知州裴中即堂前土山改為杏

壇

皇清康熙十年禮生楊文斗粧修聖賢像入學貳拾名  
學田肆頃伍拾叁畝社學在故里

東阿縣儒學在縣治西明洪武八年知縣朱徵因遷  
邑創建嘉靖十四年知縣米廷寶增建啓聖祠於廟  
東南萬歷七年知縣朱應穀移廟後明倫堂於廟西  
增建文昌閣於廟後復遷啟聖祠於廟東北萬歷三  
十三年知縣王以旌復修大成殿

皇清康熙四十九年知縣張楷重修廟廡戟門明倫堂  
及教諭宅五十五年知縣鄭廷瑾復修東西齋房入  
學拾伍名學田壹頃伍畝陸分零

野齋書院

在舊縣尚德鄉即今堂子社元李謙號  
野齋故居謙卒詔立書院設山長以掌

其祀

柯亭書院

在縣城內東北  
隅知縣白棟建

東流書院

在縣南十五里東流泉上即  
故洪福寺嘉靖中改為書院

平陰縣儒學在縣治東南舊在縣治西北宋元符間

知縣虞芹因潞水改遷今地元季燬明洪武三年知縣黃溥復建嘉靖四十三年知縣于子英重修兩廡戟門明倫堂及鄉賢名宦祠萬歷二年知縣樊思誠復修殿及櫺星門

皇清順治四年知縣劉昇祚重修明倫堂東西齋及教諭訓導宅入學掇名學田叁頃捌拾伍畝

### 曹州府

曹州府儒學在府治東本曹州學明正統中知州范



希正建初希正為曹縣令多惠政縣民德之因事改  
遷民戶醵金以助贖希正辭不受因謀建祠庀材而  
未果及巡撫張驥奏復設曹州相地於曹縣之東北  
即以希正為知州首建學宮民復為請因其材而用  
之嗣後成化正德嘉靖萬歷間相繼修葺規模大備  
皇清順治間知州許昌榮重修雍正十三年陞州為府  
即為府學與新設之附郭荷澤縣祭祀肄業共之入  
學貳拾名原學田壹頃貳拾畝

荷澤縣儒學暫同府學肄業入學貳拾名武學拾伍名社學三一在府治東南一在新集一在流河鎮

重華書院

在縣南中有精一堂後有文明樓內祀虞帝舜明萬歷間知州李天植建

單 縣儒學在縣治東南舊為州學在舊城內東南明洪武二年改為縣學嘉靖二年城壞於水五年叅議侯位改遷新城建學今址

皇清康熙十二年知縣韓第悉為修葺規制大備入學貳拾名學田貳頃捌拾貳畝

鳴琴書院

即單父琴臺故址康熙三十七年知縣金天定建竝立廟以祀先賢宓子賤竝

巫馬期

城武縣儒學在縣治東係宋時遺址元初燬於兵至

元間縣尹馬伯琦始修復明永樂間河決傾圮知縣

劉恕張盤相繼修復嘉靖間又圮於水知縣林嘉謨

重修鄭漢相繼之

皇清康熙二十七年知縣楊宮建重修殿廡堂齋及啟

聖祠戟門櫺星門泮池入學拾伍名學田肆頃捌拾

壹畝貳分

鉅野縣儒學在縣治東舊在縣治北屢經河患建廢不一明洪武四年縣丞陶友仁因舊址重建旋復圯於水縣丞呂讓移建今地永樂間教諭韓文興悉為修建正統成化正德間屢次增修

皇清康熙四十年知縣章弘重建廟廡及啟聖名宦鄉賢祠入學拾伍名學田貳頃陸拾貳畝義學在學宮西社學在各里

鄆城縣儒學在縣治東南宋元祐間建元至元間縣  
尹劉或增建兩廡畫聖賢像明成化間知縣任昶拓  
地增修萬歷三十二年知縣王遠宜增建文昌閣入  
學拾伍名學田貳頃參拾肆畝貳分社學在縣治西  
南

養正書院

在縣衙內明嘉靖  
間知縣趙若唐建

曹縣儒學在縣治東南縣在元時為磐石鎮知州  
鄭自厚於其地建鄉學即今址也明徙州於此改為

州學旋以為縣乃改縣學正統七年知州范希正大  
加修葺嘉靖二十六年河決傾圮邑人王袞重修入  
學貳拾名學田拾肆頃捌拾畝捌分零外長垣縣撥  
歸學田陸畝玖分社學一在城內縣治西餘俱在各  
集

定陶縣儒學在縣治東舊因河患遷徙不一明成化  
二十二年知縣孫賓始遷今地嘉靖十六年知縣胡  
來貢重修萬歷三年移建敬一亭於戟門東二十六

年知縣楊克順以樞星門逼近廛市創建柵欄二圍  
皇清順治六年兗州府同知金有選復將樞星門徙北  
二步十二年知縣趙國琳重修正殿及兩廡戟門入  
學拾伍名

養正書院

在縣署西知縣劉倫建

濮州儒學在州治東南舊在城東二十里舊州治  
西北為金時州人史仲謙所建元至元間知州黃甫  
瑛聚書八千卷於學中明洪武初知州劉徵重修正

統間圮於水知州毛晟徙城王村遂建儒學於今所  
弘治初知州施德修泮池闊十八丈池南建五峯山  
下起聚秀亭入學貳拾名學田壹頃貳拾畝社學在  
各里

歷山書院

在州東南歷山下  
元歷山公千奴建

崇義書院

在故鄆城元至正十三  
年唐兀崇喜奉勅建

丹陵書院

在州治西北明  
知州薛孟建

范縣儒學在縣治東舊在城東南二十里舊縣城



元元統間縣尹郭夢起建至元間圯於水縣尹莫世  
榮重建明洪武十三年河決衝沒舊城知縣張允徙  
建今所入學拾貳名學田貳頃拾捌畝社學在各里  
觀城縣儒學在縣治東舊在縣治西南金太和三年  
遷今所元至元間縣尹張巨川修明隆慶四年知縣  
方維藩建尊經閣於閣之南建登雲橋入學拾貳名  
學田壹頃玖拾肆畝零社學一在縣東餘俱在各里

松槃書院

在儒學北明知  
縣馬允升建

朝城縣儒學在縣治南宋慶歷間建明弘治初知縣  
劉璋重修

皇清順治十五年知縣惠光先重建明倫堂入學拾貳  
名學田柒頃貳拾畝社學在故里

雪林書院

在縣治北丹霄觀後元楚  
惟善讀書處中有五車樓

南泉書院

在武陽門外明御史王應初授生徒  
於此後宦成延師教貧士肄業其中

山東通志卷十四